



NAALAKKERSUISUT
GOVERNMENT OF GREENLAND



2019-imut TAC aamma pisassiissutit pillugit Inatsisartunut Nassuiaat

September 2020



PAASSISUTISSAT

2019-imut TAC aamma pisassiissutit pillugit Inatsisartunut nassuiaat

September 2020

Aalisarnermut, Piniarnermut Nunalerinermullu Naalakkersuisoqarfik

Imaneq 1A 701

Postboks 269

3900 Nuuk

Oqarasuaat: (+299) 34 50 00

Telefax (+299) 34 63 55

Email: apnn@nanoq.gl

[Nittartagaq: www.naalakkersuisut.gl](http://www.naalakkersuisut.gl)

Saqqaa: Aalisariut *Aaqa Aqqalu* Ilulissaneersuuvoq, 15 miiterillu missaani takissuseqarluni. Sisamanik inuttaqarpoq. Sermeq ApS aalisariummut qaleralittassiissutinik pigisaqartoq piginnittuuvoq. *Aaqa Aqqalu* maanna Uummannaq Kangerluani qaleralinniarpoq saarullinniarsinnaallunilu. *Aaqa Aqqalu* Ilulissat eqqaaniittoq assimi takuneqarsinnaavoq. Assilinqarnerata nalaani sikoqaaq, iluliarsuimmi aseroraangata aseqqi Ilulissat sioraannit imaannarmut tissukaattaramik.

Umiatsiaaraq Poca 6 miiterinik takissusilik sioraani takuneqarsinnaavoq. Umiatsiaaraq Ilulissat sioraani aalisarfimminut ingerlaartoq takuneqarsinnaavoq.

Saqqaaani assimik assiliisoq: Ludvig Siegstad (juni 2020)



SIULEQUT

Naalakkersuisut sinnerlugit matumuuna 2019-imut TAC aamma pisassiissutit pillugit Inatsisartunut nassuiaat saqqummiuppara. Inatsisartunit piginnaatinneqarneq tunngavigalugu TAC aamma pisassiissutit taakkunungalu atatillugu pisassiissutit qanoq agguataarnissaat ukiut tamaasa Naalakkersuisunit aalajangersarneqartarput. Nassuiaammi pisassiisarnernut ataasiakkaanut tunngaviusut tamatumalu kingorna pisassiissutit ataasiakkaat Kalaallit Nunaata nunallu Kalaallit Nunaata aalisarnissamik isumaqatigiissuteqarfigisaannut qanoq agguanneqartarnersut pillugit nassuiaatit ilanngunneqassapput.

Nassuiaammi 2019-imut TAC-it pisassiissutillu allaaserineqarput, taakkunungalu ilanngullugit ukiup ingerlanerani allannguutaasinnaasut.

Paasiuminartitsinerunissaq innuttaasunullu pitsaanerusumik paasissutissiinissaq Naalakkersuisut kissaatigaat, taamaammallu Inatsisartut ataatsimeereernerisa kingorna nassuiaat Naalakkersuisut.gl-imi tamanut saqqummiunneqarumaarpoq. 2015-imut, 2016-imut, 2017-imut aamma 2018-imut nassuiaatit nittartakkamut ilanngunneqareerput.



Jens Immanuelson

Aalisarnermut, Piniarnermut Nunalerinermullu Naalakkersuisoq

Nuuk, septembari 2020



IMARISAI

Paasissutissat	1
Siulequt	2
Takussutissiat pillugit nalunaarsuutit	6
Naalisaanernik nassuiaatit	7
1. Tunuliaqut siunertarlu	8
2. Aallaqqaasiut	8
2:1 Nunanut allanut tuniniaanerit nalii.	9
2:1:1 Raajat	10
2:1:2 Qalerallit	11
2:1:3 Saarullit	11
3. Artit pingaarnertut aningaasarsuutigineqartut.....	11
3:1 Raajat.....	11
3:1:1 Kitaani	11
3:1:2 Tunumi	12
3:1:3 Avataasiorluni illuanilu sinerissap qanittuani raajarniarneq.....	13
3:1:4 Nunat tamalaat	13
3:2 Qalerallit	14
3:2:1 Kitaani (avataaniittut)	14
3:2:2 Tunu (avataaniittut)	15
3:2:3 Kitaani (sinerissap qanittuani)	16
3:3 Saarullit.....	17
3:3:1 Avataaniittut	17
3:3:2 Sinerissap qanittuani.....	18
4. Artit allat - avataaniittut	18
4:1 Kalaallit Nunaata Kitaani	18
4:1:1 Tupissutit.....	18
4:1:2 Suluppaakkat.....	18
4:1:3 Nataarnat	18
4:1:4 Qeeqqat	19
4:1:5 Ammassat	19
4:1:6 Saattuat.....	19
4:2 Tunumi	19
4:2:1. Tupissutit / Imminnguit.....	19



4:2:2 Suluppaakkat – Tunumi aamma Islandimi (pisassat akuleriissitat).....	20
4:2:3 Suluppaakkat – Irmingerip Imartaani.....	20
4:2:4 Nataarnat.....	21
4:2:5 Qeeqqat.....	21
4:2:6 Ammassat.....	21
4:2:7 Saarullernat (blåhvilling).....	22
4:2:8 Ammassassuit.....	22
4:2:9 Avaleraasartuut.....	22
5 Artit allat - sinerissap qanittuani.....	23
5:2 Kitaani.....	23
5:2:1 Saattuat.....	23
5:2:2 Uiluut.....	23
5:2:3 Kapisillit.....	23
5:2:4 Nipisat, arnarluit.....	24
6 Misileraalluni aalisarneq.....	26
6:1 Kitaani.....	26
6:1:1 Avataata saarullii - alapernaarsuilluni aalisarnerit.....	26
6:1:2 Ammassat aalisakkallu ikerinnarsiortut allat (ammassassuit, eqalugaasat putooruttullu).....	26
6:1:4 Guldlaks.....	26
6:1:5 Amikut.....	26
6:1:6 Inalugallit.....	27
6:1:8 Siuterorsuaq (konksnegl).....	27
6:2 Tunu.....	27
6:2:1 Saarullit, qalerallit, nataarnat, tinguttoq, lange (saarullit ilaat), qeeqqat aamma sinerissap qanittuani eqallut.....	27
6:2:2 Tunumi 69° N-ip avannaani akuleriinnik aalisarneq.....	27
6:2:3 Guldlaks.....	27
6:2:4 Amikut.....	27
6:2:5 Suluppaakkat.....	27
7. Naalagaaffiit illugiillutik isumaqatigiissutaat.....	28
7:1. EU.....	28
7.2 Savalimmiut.....	29
7:3. Norge.....	29
7:4 Rusland.....	30
7:5 Island.....	31



7:6 Nunat marluk illugiillutik aamma nunat arlallit suleqatigiinnerat.....	31
Ilangussaq 1: Avataasiarluni aalisarneq pillugu siunnersuineq aamma TAC 2019	33
Ilangussaq 2: Sinerissap qanittuani aalisarneq pillugu siunnersuineq aamma TAC 2019	34



TAKUSSUTISSIAT PILLUGIT NALUNAARSUUTIT

Takussutissiaq 1: 2019-imi Aalisarneq pillugu Siunnersuisoqatigiinni aalajangersimasumik ilaasortat* aamma taaseqataasinnaanatik ataatsimeeqataasartut

Takussutissiaq 2: Kitaani raajarniarnermi piffissami 2015-2019-imi TAC aamma ilisimatuussutsikkut siunnersuinerit (tonsinngorlugit)

Takussutissiaq 3: Tunumi raajarniarnermi piffissami 2015-2019-imi TAC aamma ilisimatuussutsikkut siunnersuinerit (tonsinngorlugit)

Takussutissiaq 4: Ikersuarimi Davisimi aamma Avannaata Imaani avataani qaleralinniarnermi piffissami 2015-2019-imi TAC aamma ilisimatuussutsikkut siunnersuinerit (tonsinngorlugit)

Takussutissiaq 5: Kalaallit Nunaata kangiani avataani qaleralinniarnermi piffissami 2015-2019-imi TAC aamma ilisimatuussutsikkut siunnersuinerit (tonsinngorlugit)

Takussutissiaq 6: Kitaani pisassiissuteqarfiusunut agguataarilluni sinerissap qanittuani qaleralinniarnermi piffissami 2015-2019-imi TAC aamma ilisimatuussutsikkut siunnersuinerit (tonsinngorlugit)

Takussutissiaq 7: Tunumi aamma Kitaani avataani saarullinniarnermi piffissami 2015-2019-imi TAC aamma ilisimatuussutsikkut siunnersuinerit (tonsinngorlugit)

Takussutissiaq 8: Kitaani sinerissap qanittuani saarullinniarnermi piffissami 2015-2019-imi TAC aamma ilisimatuussutsikkut siunnersuinerit (tonsinngorlugit)

Takussutissiaq 9: Piffissami 2016-2020-mi Kalaallit Nunaata eqqaani EU-p aalisarnissamut periarfissai (tonsinngorlugit)

Takussutissiaq 10: Savalimmiut eqqaanni Kalaallit Nunaannut pisassiissutit aamma Kalaallit Nunaata eqqaani Savalimmiunut pisassiissutit (tonsinngorlugit)

Takussutissiaq 11: Kalaallit Nunaannut Norgem imartaani aamma Norgemut Kalaallit Nunaata imartaani 2019-imi pisassiissutit (tonsinngorlugit)

Takussutissiaq 12: Kalaallit Nunaannut Ruslandip imartaani aamma Ruslandimut Kalaallit Nunaata imartaani 2019-imi pisassiissutit (tonsinngorlugit)



NAALISAANERNIK NASSUIAATIT

AN	Aningaasaqarnermut Naalakkersuisoqarfik
APNN	Aalisarnermut, Piniarnermut Nunalerinermullu Naalakkersuisoqarfik
ICES	International Council for the Exploration of the Sea – Nunani tamalaani Imaatigut Ilisimatusarnermut Siunnersuisoqatigiit
GE	Sulisitsisut
KANUAANA	Kalaallit Nunaanni Aalisarsinnaanermut Akuersissutinik Nakkutilliisoqarfik
Pinngortitaleriffik	Kalaallit Nunaanni Pinngortitaleriffik
ISIIN	Inuussutissarsionermut Naalakkersuisoqarfik
KNAPK	Kalaallit Nunaanni Aalisartut Piniartullu Kattuffiat
NAFO	Atlantikup Avannaani Aalisarnermut Suleqatigiiffik (North Atlantic Fisheries Organization)
NASCO	Atlantikup Avannaani Kapisilinnik Piujuartitsinermut Suleqatigiiffik (North Atlantic Salmon Conservation Organization)
NUSUKA	Nunaqavissut Suliffiutillit Kattuffiat
PAN	Pinngortitamut, Avatangiisinut Ilisimatusarnermullu Naalakkersuisoqarfik
TAC	Total Allowable Catch – Pisarineqarsinnaasut amerlanerpaaffiat
SFG	Sustainable Fisheries Greenland
SIK	Sulinermik Inuussutissarsiuteqartut Kattuffiat
SQAPK	Sinerissap Qanittuani Aalisartut Piniartullu Kattuffiat



1. TUNULIAQUT SIUNERTARLU

Inatsisartut inatsisaanni nr. 18, 31. oktober 1996-imeersumi § 5, imm. 1 aamma 2 naapertorlugit matumuuna saqqummiunneqarpoq Kalaallit Nunaata aalisarnermut oqartussaaffigisaani aalisagaqatigiiaat pillugit 2019-imut TAC¹ pisassiissutillu pillugit Inatsisartunut nassuiaat. TAC-mik pisassiissutinillu aalajangiinnermut tunngavittut nalunaarusiaq artinut pisassiissutigineqartartunut ilisimatuussutsikkut siunnersuinernik imaqarportaaq.

2. AALLAQQAASIUT

Kalaallit Nunaata imartaani aalisagaqatigiinnut assigiinngitsunut arlalinnut TAC Naalakkersuisut ukiut tamaasa aalajangersartarpaat. Kalaallit Nunaanni aalisagaqatigiinnut aalajangersimasunut ukiumoortumik TAC-imik aalajangersaareernermi, aalisarnermik ingerlataqartut avataasiortut sinerissamullu qanittumiittut akornanni taakku agguanneqartarput, ilaalli Kalaallit Nunaata nunanut marluulluni illugiimmik suleqatigisaanut immikkoortinneqartarlutik: EU-mut, Ruslandimut, Islandimut, Canadamut, Norgemut aamma Savalimmiunut. Pinngortitaleriffimmit ilisimatuussutsikkut siunnersuinerit kingornatigut aamma Aalisarnek pillugu Siunnersuisoqatigiit oqaloqatigalugit Naalakkersuisut TAC-mik aalajangersaasarput.

Ilisimatuussutsikkut siunnersuineri peqassusermik naliliinerit tunngavigineqartarput, taakkulu nunani tamalaani imaatigut ilisimatusarnermut suleqatigiiffiit ICES² aamma NAFO³ suleqatigalugit suliarineqartarput, ilaatigullu ilisimatuussutsikkut misissuinerit kiisalu aningaasarsutigalugu aalisarnermit paasisat katersorneqartut tunngavigineqartarlutik. Aalisakkat assigiinngitsut tamaasa pillugit siunnersuinerit ileqquumik juunip qaammataani pisarput, kiisalu raajat saattuallu pillugit siunnersuinerit novembarimi pisarlutik.

Aalisarnermut inatsimmi § 32, imm. 3 naapertorlugu TAC-mik aalajangersaasoqannginnerani Naalakkersuisut Aalisarnek pillugu Siunnersuisoqatigiinnik siunnersuisarpoq. Aalisarnek pillugu Siunnersuisoqatigiit maannakkorpiaq tassaapput:

TAKUSSUTISSIAQ 1: 2019-IMI AALISARNEQ PILLUGU SIUNNERSUISOQATIGIINNI AALAJANGERSIMASUMIK ILAASORTAT* AAMMA TAASEQATAASINNAANATIK ATAATSIMEEQATAASARTUT

Ingerlatalik	Naalisarnera
Sulisitsisut	GE
Kalaallit Nunaanni Aalisartut Piniartullu Kattuffiat*	KNAPK
Sulinerimik Inuussutissarsuiteqartut Kattuffiat	SIK
Nunaqavissut Suliffiutillit Kattuffiat	NUSUKA
Sinerissap Qanittuani Aalisartut Piniartullu Kattuffiat	SQAPK
Aalisarnermut, Piniarnermut Nunalerinermullu Naalakkersuisoqarfik	APNN
Kalaallit Nunaanni Pinngortitaleriffik	Pinngortitaleriffik

¹ amerlanerpaaffiat Total Allowable Catch – Pisarineqarsinnaasut

² Nunani tamalaani Imaatigut Ilisimatusarnermut Siunnersuisoqatigiit International Council for the Exploration of the Sea –

³ Atlantikup Avannaata kitaani Aalisarnikkut Suleqatigiiffik Northwest Atlantic Fisheries Organization –



Kalaallit Nunaanni Aalisarsinnaanermut Akuersissutinik Nakkutilliisoqarfik	KANUAANA
Inuusutissarsiornermut Naalakkersuisoqarfik	ISIIN
Pinngortitamut, Avatangiisinut Ilisimatusarnermullu Naalakkersuisoqarfik	PAN
Aningaasaqarnermut Naalakkersuisoqarfik	AN
Sustainable Fisheries Greenland	SFG

Paasissutissiisoq:

APNN


Kalaallit Nunaata aningaasarsiorfiginerpaartaata aqunneqarnerani uumassuseqarnikkut inuiaqatigiinnullu atatillugu mianerisassat ilanngunneqarnissaannut Kalaallit Nunaanni TAC-p aalajangersarneqarneranut atatillugu suleqataasorpasuit akuutinneqartut isumannaareqataassapput.

2:1 NUNANUT ALLANUT TUNINIAANERIT NALII.

Kalaallit Nunaannit nunanut allanut nioqqutigineqartartut tassaanerupput aalisakkanik qalerualinnillu tunisassiat. Artit pingasut raajat, qalerallit aamma saarullit tassaapput nunanut allanut niueruteqarnermi pingaarnert. Immikkoortuni tullinnguuttuni artit pingasuusut taakku nunanut allanut niuerutigineqarneranni nalii nassuiaatigineqassapput. Kalaallit Nunaata avammut tuniniaanera Danmark imaluunniit Island akunniffittut aqqusaarlugit pingaarnermik ingerlanneqartarpoq, tunisassiarpassuillu tamatuma kingorna nunanut allanut niuerutigeqqinneqartarlutik. Ukiuni siusinnerusuni nassuiaatinut sanilliullugu nunanut allanut tuniniaanermi naligititaq 2019-meersoq ukiunut siuliinut assersuunneqarsinnaanngilaq, Kalaallit Nunaanni Naatsorsueqqissaartarfiup 2019-mi kvartali siulleq aallarnerfigalugu naatsorsuineri tunngaviliussaata allannorsimanerata kingunerisaanik.

Kalaallit Nunaata nunanut allanut tuniniaanerata 2019-imi ataatsimut nalii 5.208 mio. kr.-iupput. Taakkunanit aalisakkanik nunanut allanut niueruteqarneq ataatsimut 5.068 mio kr.-nik naleqarpoq, ataatsimullu nunanut allanut niueruteqarnerup tamanna 97 %-eraa.

Artit aningaasarsiornermut pingaarnarpaat suli tassaapput raajat, qalerallit aamma saarullit, taakkulu ataatsimut 4,470 mia. kr.-nik naleqarput, ataatsimullu nunanut allanut niueruteqarnerup tamanna 86 %-eraa.



ASSILIAQ 1: 2019-IMI NUNANUT ALLANUT NIURUTEQARNERUP NALINGA ARTINUT AGGUATAARLUGU

Paasissutissiisoq: APNN

2:1:1 RAAJAT

Nunanut allanut niurernerup naatsorsorneqarnerani raajat immikkoortunut marlunnut tamarmik qerisunut avinneqartarput; raajat qaleruallit kiisalu raajat qalipaajakkat.

Raajat qaleruallit 2019-imi avammut niurutigineqartut ataatsimut 1.311 mio. kr.-nik naleqarput, ataatsimullu nunanut allanut niuruteqarnerup tamanna 25 %-raa.

Raajat qalipaajakkat 2019-mi avammut niurutigineqarnerat 1.194 mio kr.-nik naleqarpoq, ataatsimullu nunanut allanut niuruteqarnerup tamanna 23 %-raa.

Taamaalilluni 2019-imi raajat niurutigineqarnerat avammut ataatsimut tuniniaanerup 48 %-raa, assilissamilu siulianiittumi takuneqarsinnaasutut Kalaallit Nunaata nunanut allanut niurernerani taakku nioqqutissiaapput pingaarnerpaat. Ataatsimut isigigaanni 2019-imi raajanik nunanut allanut tuniniaaneq katillugu 2.505 mio. kr.-nik naleqarpoq.



2:1:2 QALERALLIT

Qaleralik tassaavoq artit aningaasarsutigineqartut pingaarnepaat tulliat, nunanut allanut niuernerup nalinga uuttuusiukkaanni.

2019-imi qaleralinnik nunanut allanut niueruteqarneq ataatsimut 1.461 mio. kr.-nik naleqarpoq. 2019-imi qalerallit katillugit 36.603 tonsit nunanut allanut niuerutigineqartut.

2019-imi qalerallit Kalaallit Nunaata nunanut allanut niuerutigineqarnerat nunanut allanut ataatsimut niueruteqarnerup 28 %-raa.

2:1:3 SAARULLIIT

Saarullik tassaavoq artit aningaasarsutigineqartut pingaarnepaat pingajuat, nunanut allanut niuernerup nalinga uuttuusiukkaanni. 2019-imi saarullinnik nunanut allanut niueruteqarneq ataatsimut 504 mio. kr.-nik naleqarpoq, taakkulu 18.704 tonsiupput.

2019-imi saarulliit Kalaallit Nunaata nunanut allanut ataatsimut niueruteqarnerat nunanut allanut ataatsimut niueruteqartut 10 %-raat.

3. ARTIT PINGAARNERTUT ANINGAASARSUTIGINEQARTUT

Immikkoortuni tulliuuttuni ilisimatuussutsikkut siunnersuinerit, TAC-tut aalajangiunneqartut aamma Kalaallit Nunaanni artit pingaarnertut aningaasarsutigineqartut sammineqarput; raajat, qalerallit saarulliillu. Artit taakku Kalaallit Nunaannit nunanut allanut ataatsimut niuerutigineqartartut 93 %-rimmatigit, taakku Kalaallit Nunaata aningaasarsiorneranut annertuumik sunniuteqarnikuupput. Taamaattumik artit taakku pingasut pingaarnertut isigineqarput. Tulliatut artit avataaniittut aamma sinerissap qanittuaniittut kiisalu Kalaallit Nunaata nunanik tamalaanik isumaqatigiissutai ataatsimut sammineqassapput.

3:1 RAAJAT

Raajaqatigiiaat pillugit ilisimatuussutsikkut siunnersuinerimik kiisalu pisassat annertussusissaannik inassuteqarnissamik NAFO isumaginnittuusarpoq. Siunnersuinerimik takusassiaralugit naatsorsuinerit tunngavigineqartarput, pisassallu ataatsimut amerlassusilerneqarneranni ilisimatuussutsikkut illersorneqarsinnaasumik raajaqatigiiaat ikileriarnissaannut ilimanaatit aarleqquteqarsinnaaneq naatsorsorneqartarpoq.

3:1:1 KITAANI

2019-imut raajat pillugit ilisimatuussutsikkut siunnersuutigineqartut malillugit annertunerpaamik pisisinnaasat 105.000 tonsiupput. 2019-imut siunnersuinerit 2018-imut siunnersuinerit allannguuteqanngillat, takusassiaralugimmi naatsorsuinerit takutimassuk piffissami pineqartumi raajaqatigiiaat aalaakkaasusut.

TAKUSSUTISSIAQ 2: KITAANI RAAJARNIARNERMI PIFFISSAMI 2015-2019-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

Paasissutissiisq: Pinngortitaleriffik aamma KANUAANA

	2015	2016	2017	2018	2019
Siunnersuineq	60.000	90.000	90.000	105.000	105.000
TAC	73.000	85.000	90.000	101.250	105.000



Takussutissiaq 2-mi takutinneqarpoq, piffissami 2011-2019 TAC-p annikitsumik nikingassuteqartaraluarluni ilisimatuussutsikkut siunnersuineq malissimagaa. 2013-imi Kitaani raajarniarneq MSC-mit nalunaaqutserneqartalerpoq.

Raajat pillugit aqutsinissamik pilersaarummi TAC-mik aalajangiinermi ilisimatuussutsikkut siunnersuinerit malinneqartassasut tunngaviliunneqarpoq. Taamaattorli TAC-p 12,5 % sinnerlugu ukiumut nikingassuteqarneranik tamanna kinguneqassanngilaq. Ukiumut 12,5 % sinnerlugu nikingatitsisinnaaneq pissutsini immikkorluinnaq ittuni taamaalaat pisinnaavoq. Peqatigisaanik ilisimatuussutsikkut siunnersuinerimut iluarsisuteqartarnerup ukiut pingasut sinnersimassanngilai. Siunnersuinerimut killiffikkaamik naleqqussaasarnissami aqutsinermut pilersaarummi piumasaqarnerup malinneqarnissaa siunertaralugu piffissami 2011-2015 TAC-mik killiffikkaartumik annikillilisoqartarpoq. Aqutsinermut pilersaarut uani takuneqarsinnaavoq: apnn.gl

Siunnersuinerimmi pisassat 2015-imi 60.000 tonsiniit 2016-imi 90.000 tonsinngorlutik 50 %-imik qaffammata tupaallannarpoq. Tassunga atatillugu mianersornermik tunngaveqarnerup aamma killiffikkaamik naleqqussaasarnarup atuutilernissaa Pinngortitaleriffimmit inassutigineqarpoq. Tamatuma kinguneraa, 2016-imut TAC ilisimatuussutsikkut siunnersuinerimut sanilliullugu appasinnerusumik inissinneqarmat. Taamaammat 2015-2016-imut ingasappallaamik allanngineq tupaallannarsimaqaaq, tassami taama qaffaateqarnissamut ukiuni siuliini paasisat tunngavigalugit naatsorsuutigineqarsimanngimmat. Uumassuseqarnikkut, inuiaqatigiinni pissutsitigut aamma aningaasarsiornermi mianerisassat aallaavigalugit ukiumoortumik TAC-mik aalajangiinermut atatillugu siunnersuinerimmi tassanngaannartumik qaffariaateqarnermi mianersortumik tunngaveqarnissap pisariaqarnera tikkuarneqarpoq.

2016-imi aamma 2017-imi 90.000 tonsinik siunnersuisoqarnerata aalajangiusimaneqarnerata kingunerisaanik, 2018-imut siunnersuinerit 15.000 tonsinik ilaneqarput, 2019-milu 105.000 tonsinngortinneqarput, tamannalu raajaqatigiiaat pitsanngoriaateqarnerannik pissuteqarpoq.

Ilisimatuussutsikkut siunnersuinerit naapertorlugit 2019-imi Kitaani raajanut TAC 105.000 tonsinut aalajangiunneqassasoq Naalakkersuisut aalajangiipput. 2018-imut sanilliullugu tamanna 3.750 tonsinik annertuneruvoq, taamanikkummi TAC 101.250 tonsiusimammat.

3:1:2 TUNUMI

Tunami raajat pillugit 2019-imi ilisimatuussutsikkut siunnersuinerit tunngavigalugit ukiuni tallimani siuliinisulli annertunerpaamik 2.000 tonsit aalisarneqarnissaat inassutigineqarpoq. Tamatumani tunuliaqutaasoq tassaavoq, Tunumi aalisarneq naak ilaannakorluinnartumik ingerlanneqarsimagaluartoq annikitsumillu atuisoqarluni, taava raajaqassuseq annikitsuinnaasimammat. Kiisalu ukiuni arlaqartuni misissuilluni angalasoqarsimanngilaq, tamatumalu kinguneraa siunnersuinerimmi mianersortumik tunngaveqarnerup attatiinnarneqarsimaneq.

TAKUSSUTISSIAQ 3: TUNUMI RAAJARNIARNERMI PIFFISSAMI 2015-2019-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2015	2016	2017	2018	2019
Siunnersuineq	2.000	2.000	2.000	2.000	2.000
TAC	6.100	5.300	5.000	4.300	4.000

Paasissutissiisoq: Pinngortitaleriffik aamma KANUAANA

Taamatut malunnaateqaqisumik siunnersuinerimmi appariaateqarneq 2013-miit 2014-imut pivoq. Kalaallit Nunaata nunanut tamalaanut pisussaaffii kingunerisaanillu aningaasarsiornikkum sunniutaasussat mianerineranni, siunnersuinerimut atatillugu TAC-mik tassanngaannartumik naleqqussaasissaq Kalaallit Nunaannut



periarfissaasimangilaq. Taamaammat killiffikkaartumik naleqqussaaneq 2014-imi aallartinneqarpoq, killiffikkaartumimmi ikililerisoqarpoq 2014-imi 8300 tonsiniit 2019-imi 4000 tonsinut.

EU-lu Aalisarnermik peqatigiinnermut isumaqatigiissut naapertorlugu protokolip atuuffiata nalaani 2016-2020, Tunumi raajat 5100 tonsit ukiumut EU-mut neqeroortugissallugit Kalaallit Nunaata pisussaaffigaa, taamaattorli ilisimatuussutsikkut siunnersuinerit sukkulluunniit atuuttut mianerineqartariaqarlutik. Tamatuma malitsigisaanik siunnersuinerup killiffikkaartumik appartinneqartarnissaa EU-mit kissaatigineqarpoq, Joint Committee Meeting-imi (JCM-mi / Ataatsimoorussamik Komité-mi) ataatsimiinnermi EU-mut pisassiissutit 2018-mut 3.750 tonsinik ikililernissaat aalajangerneqarpoq, taamatullu annertutigisut 2019-imi aamma attatiinnarneqarput. Tunumi 2018-imi kalaallit ingerlatseqatigiiffiinit raajarniarloqanngilaq, kalaallili ingerlatseqatigiiffiinit 2019-imi katillugit pisarineqartut 298 tonsiupput.

3:1:3 AVATAASIORLUNI ILLUANILU SINERISSAP QANITTUANI RAAJARNIARNEQ

Nunanut tamalaanut pisussaaffigisatta malitsigisaanik Kitaani ataatsimut raajartassiissutinit 105.000 tonsiusunit Canadamut aamma EU-mut aalajangersimasumik amerlassusillit immikkoortinneqarput.

Raajaqatigiit Kalaallit Nunaannit aamma Canadamit avinneqarnikuupput. Isumalluutit pillugit Canada aamma Kalaallit Nunaat aqutsinermut isumaqatigiissuteqanngimmata, isumalluutit ataatsimut atuinerup NAFO-mit ilisimatuussutsikkut siunnersuinerit ingasappallaamik nikingannginnissaa isumannaarniarlugu, Kalaallit Nunaata ukiut tamaasa pisassiissutit ilai Canadamut tunniuttarpari. Siunissami MSC-mit nalunaaqutsiinissamat piunasaqarneq attatiinnassagutsigu aqutsineq pillugu Canadamik isumaqatigiissusiusasugut piunasaqaataavoq. Canadamut pisassiissutinik naatsorsueriaatsimut Kalaallit Nunaannit atorneqartartumi tunngavigineqartarpoq raajat annertussusiannik qangalu pisaasartunut uuttueriaatit. 2019-imi raajat 1.617 tonsit Kalaallit Nunaannit Canadamut tunniunneqarput.

2019-imut TAC-tut aalajangiunneqartunit EU-lu aalisarnermut isumaqatigiissut naapertorlugu 2.800 tonsit EU-mut tunniunneqarput.

Sinneruttut 96.150 tonsiusut Aalisarneq pillugu inatsimmi § 5, imm. 3-mi agguasseriaaseq inatsisitigut aalajangersagaq naapertorlugu TAC-p tamarmiusup 43 %-ii sinerissap qanittuani aalisartunut 57 %-iilu avataasiortunut agguanneqassapput. Avataasiortunut aamma sinerissap qanittuani aalisartunut pisassiissutinik taamatut agguasseriaaseq 2002-miilli atuutilerpoq.

2019-imi Kitaani TAC-mit tamarmiusumit 105.000 tonsinut taamaalluni angallatinut avataasiortunut 59.850 tonsit tunniunneqarput, sinerissallu qanittuani angallatinut 45.150 tonsit tunniunneqarlutik.

3:1:4 NUNAT TAMALAAT

Flemish Capimi raajat (NAFO-mi sumiiffiliineq 3M)

Flemish Capimi raajarniarneq (NAFO-mi sumiiffiliinnermi 3M-imi) nunat tamalaat imartaanni ingerlanneqartarpoq, aalisarnerlu NAFO aqutugalugu malittarisasaqartinneqarluni. Aalisarsinnaatitaaneq ullunut aalisarfinnut naatsorsorneqartarpoq.

NAFO-mi sumiiffiliunneqartumi 3M-imi (Flemish Capimi) raajarniarneq 2011-mi matuneqarpoq, 2010-mi NAFO-p ukiumoortumik ataatsimiinnerani ilisimatuussutsikkut siunnersuinerit naapertorlugit inerteqquteqarallarnissaaq aalajangerneqarmat, raajaqatigiimmi piujuartitsineq tunngavigalugu atuinissamat killigitat B_{lim} ataallugu ikilieriarsimmamata.



Kalaallit Nunaat ukiuni siulianisuulli 2019-imi sulii ullunik aalisarfeqanngilaq.

Grand Bankip eqqaani raajat (NAFO-mi sumiiffiliineq 3L)

New Foundlandip avataani Grand Bankimi (NAFO-mi sumiiffiliinermi 3L-imi) raajaqatigiit amerlanersaat Canadap aalisarnermi oqartussaaffigisaaniittuupput, kisiannili raajaqarfik mikinerusoq pingaaruteqartoq nunat tamalaat imartaaniilluni. Canadap NAFO-llu 1999-imi isumaqatigiissutaat naapertorlugu Canadap sumiiffimmi tassani raajat pillugit TAC-ip tamarmiusup 5/6-ia pissavaa, nunanimi tamalaani sumiiffiliinermi 3L-imi raajaqatigiit Canadamiut raajaataannut ilaammata, Canadallu 200 sømilinik killeqarfiata iluanniittuummata. Isumaqatigiissut naapertorlugu nunat akuusutut atsioqatigiissimasut allat sinneruttut akunnerminni pisassat sinneruttut naligiimmik agguaatissavaat.

Savalimmiormiut qangali aalisarnek aamma sumiiffimmi ilisimatuussutsikkut misissueqataasarnertik tunngavigalugu manna tikillugu TAC-liunneqartartunit amerlanerusunik pissarsinissaminnut pisinnaatitaallutik isumaqarput. Taamaattumik DFG (Danmark Savalimmiut Kalaallit Nunaallu sinnerlugit) 2013-imiilli peqataallutik atsioqataasutut agguaasseriaatsimut naammagittaalliuteqartarpoq. Piffissap ingerlanerani peqassuseq annikilliatortsimavoq, taamaattumillu 2015-imiilli pisassiissutit 0 tonsinut inissineqarnikuupput, taamaattumillu savalimmiormiunit piomasaaqat tunngaviliussatut taamaallaat pingaaruteqarpoq.

2014-imi NAFO-mi ukiumoortumik ataatsimiinnermi tamatumalu aalajangerneqarnerani, sumiiffiup matuneqarnissaanut oqaasertaliinissaq isumaqatigiissutigineqarsinnaasimannngilaq. Sumiiffiulli matuneqarnissaanut taarsiullugu pisassat 0-nngortinneqassasut aalajangerneqarluni. Taamanili pissutsit taamaannikuupput, taamaammallu aamma 2019-imut pisassat 0 tonsinissaat aalajangerneqarluni. Taamaasilluni sumiiffik sulii raajarniarfigineqarnissaminut matoqqavoq.

Sumiiffik raajarniarfigissallugu ammaanepqassagaluarpat, Kalaallit Nunaata DFG-mut ilaasutut aalisarsinnaanermut qangatut pisinnaatitaaffini ingerlateqqinniarpaat.

Svalbardip eqqaani raajat

1992-imi Norgemiunik aalisarnek pillugu isumaqatigiissuteqarnermi Norgemiut "aalisarsinnaanermut illersugaasoq" pillugu nalunaarutaat Kalaallit Nunaata/Danmarkip akuerisinnaanngikkaat Kalaallit Nunaata maluginiaqquaa. Svalbardip eqqaani aalisarnek malittarisassaqtinniarlugu Norgemiut illersugaasoq taanna atortussanngortippaat. Isumaqatigiissut saqqummermalli Norgelu illuatungeriilluni isumaqatigiinniarnertit nalaani Kalaallit Nunaata inissisimanini ukiut tamaasa saqqummiuttarnikuuaa, tamannalu isumaqatigiissummut tapiliussamut allanneqartarpoq. 2019-imut isumaqatigiissummut tapiliussami oqaasertaliunneqartut siusinnerusukkut atornerqartarnikuusut assingi taamaallutik atoqqinneqarput.

Svalbardip eqqaani raajarniarnermut norskit peqqussutai atuuttut 1997-imeersut (tassalu Kalaallit Nunaannit akuerineqanngitsut) naapertorlugit angallatit tallimat atorlugit ulluni aalisarfiusuni 450-ini raajarniarsinnaanermut Kalaallit Nunaat periarfissaqarpoq, periarfissarli tamanna 1980-kkut aallartimmatali ukiuni arlalissuarni atornerqarnikuunngilaq. Taamaattorli Kalaallit Nunaata imartaani raajanik pisassiissutit ikileriarnernani ukiuni arlalinni



Svalbardip eqqaani ullut aalisarfiusut soqutigineqalerallutinnarput, taamaammallu sumiiffimmi pineqartumi kalaallit angallataasa aalisarnertik 2013-imili nanginnikuaat.

3:2 QALERALLIT

3:2:1 KITAANI (AVATAASIORTUT)

Siusinnerusukkut NAFO-mit ilisimatuussutsikkut siunnersuinerit immikkoortillugit tunniunneqartarsimagaluarput, pineqarpullu pisassiissuteqarfik SV (Ikersuaq Davis) aamma pisassiissuteqarfik NV (Avannaata Imaa/ Baffin-ip Kangerliumnera), kisiannili 2019-imili sumiiffinnut taakkununga marlunnut ataatsimut siunnersuinerimik ataasiinnarmik tunniussisoqartalernikuvoq. Ikersuaq Davisimi qaleraleqatigiit aalaakkaassuusutut isigineqarput. Ikersuaq Davisimut Avannaatalu Imaanut ilisimatuussutsikkut siunnersuineq 2019-imi 36.370 tonsiuvoq. Assersuutikgalugu 2017-imi aamma 2018-imi siunnersuinerit allannguuteqanngillat, taakkulu sumiiffinnut marluusunut katillugit 32.300 tonsiupput. Taamaallutik 2018-imit 2019-imut siunnersuinerit 4.070 tonsinik qaffariaateqarput.

Qaleraleqatigiit ataatsimoorussat agguataarnissaat pillugu Canadap aamma Kalaallit Nunaata akornanni pisortatigoortumik aqutsinermut sulisumaqatigiissuteqartoqanngilaq, maannamulli iliuuserisartagaq taassaavoq ilisimatuussutsikkut siunnersuineq naapertorlugu TAC-p aalajangerneqartarnera, tamatumalu illuatungeriit akornanni naligiimmik avinneqartarnera.

Ikersuaq Davisimi 2019-imi kalaallinut pisassiissutigineqartut taamaallutik 9.592 tonsiupput, taakkunaniillu 3.532 tonsit tamakkerlugit Maniitsumut tulaassorneqartussaataallutik. 2018-imut sanilliullugit taakku 2.017 tonsinik amerleriaateqarput. Maniitsumi sulisoqarnek attatiinnarniarlugu pisassiissutit ilaasa tulaanneqartussaataanerat 2014-mi aalajangerneqarpoq.

Kitaani kalaallit avataani qaleralinniarnerat aqutsinermut pilersaarut malillugu ingerlanneqarpoq, pilersaarullu uani nassaarineqarsinnaavoq: apnn.gl Aalisarneq 2017-imi MSC-mit nalunaaqutserneqartalerpoq.

Avannaata Imaani pisassiissutit ilai kalaallinit pigineqartut 2019-imi 8.592 tonsiupput, 2018-mullu sanilliullugit taakkua 17 tonsinik annertunerupput.

TAKUSSUTISSIAQ 4: IKERSUARMIM DAVISIMIM AAMMA AVANNAATA IMAANI AVATAANI QALERALINNIARNERMI PIFFISSAMI 2015-2019-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2015	2016	2017	2018	2019
Ikersuaq Davis (SV)					
Siunnersuineq	14.000	14.000	15.150	15.150	36.370 ¹
TAC	7.000	7.000	7.575	7.575	8.526
Avannaata Imaa (NV)					
Siunnersuineq	16.000	16.000	17.150	17.150	¹
TAC	8.000	8.000	8.575	8.575	8592

¹Ikersuaq Davisimut siunnersuineq 2019-imeersuuvoq, sumiiffillu tamakkerlugit - tassa imaappoq Ikersuaq Davisimi aamma Avannaata Imaani - atuuttuulluni.



3:2:2 TUNU (AVATAASIORTUT)

Tunumi qaleraleqatigiit Islandimit aamma Savalimmiunit ataatsimoorunneqarput aamma siusinnerusukkat aalisarnerup annertunersaa Islandimiut oqartussaaffigisaani kilisannertut ingerlanneqartarpoq. Ukiunili kingulliunerusuni aalisarneq Kalaallit Nunaata imartaanut annertunerujartuinnartumik nuukkiartuaarsimavoq.

Peqassutsimik missingiineq sumiifillu taakkununga tungassuteqartut 2012-mi nalileqqinneqarmatali ICES-imit ukiumoortumik siunnersuinerit 20.000 tonsit 25.000 tonsillu pallillugit annertussuseqarsimapput. Sumiifinni Kalaallit Nunaata, Islandip aamma Savalimmiut akornanni qaleraleqatigiit pillugit 2019-imi siunnersuineq 24.150 tonsiuvoq. Tamanna 2018-mit 150 tonsinik qaffariarneruvoq.

Qaleraleqatigiit tamakkerlugit siunnersuisoqartarmat, qaleraleqarnerup allanngoriartornera eqqarsaatigalugu naalagaaffiit sineriiallit akornanni aqutsinermut isumaqatigiissusiortoqassasoq 2012-mi ICES-imit inassutigineqarpoq. Isumaqatigiinniarnert iluatsitsiffiunngitsut arlallit kingornatigut Island aamma Kalaallit Nunaat aalisarnermik annertunerpaamik ingerlatsisuusut 2012-mi Tunup eqqaani qaleraleqatigiit pillugit pisassanik agguataarinissaq siunertaralugu aqutsinermut isumaqatigiissusiorneq iluatsippaat. 2014-ip tungaanut TAC ilisimatuussutsikkut siunnersuinerit naleqqussarneqassasoq isumaqatigiissutip ilaatigut kinguneraa, tamatumalu kingorna piffissaq sivirusunerusoq tunaartaralugu aqutsinermut pilersaarut atortussanngortinneqarpoq.

Taamaalilluni isumaqatigiissut naapertorlugu 2019-mi 9.080 tonsit Kalaallit Nunaannut tunniunneqarput. Nunat marlut illugiillutik isumaqatigiissutaat naapertorlugit Kalaallit Nunaat EU-mut, Ruslandimut, Savalimmiunut Norgemullu Tunup sineriaani qaleralittassiivoq.

TAKUSSUTISSIAQ 5: TUNUP AVATAANI QALERALINNIARNERMI PIFFISSAMI 2015-2019-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2015	2016	2017	2018	2019
Siunnersuineq	25.180	22.000	24.000	24.000	24.150
TAC	8.300	8.272	9.024	9.024	9.080

Paasissutissiisooq: Pinngortaleriffik aamma KANUAANA

3:2:3 KITAANI (SINERISSAP QANITTUANI)

Avataani qaleralinniarnermi ataatsimut siunnersuinerit saniatigut NAFO ukiut tamaasa sinerissap qanittuani aqutsiveqarfimmut pingasunut – Qeqertarsuup Tunuanut, Uummannamut aamma Upernavimmut – immikkut siunnersuinerit tunniussisarpoq. Qaleraleqatigiinnik aningaasarsutigalugu aalisarnermit aamma ilisimatuussutsikkut misissuinerit qanga paasisat siunnersuinerit tunngaviupput.

Aqutsiveqarfimmut pingasuusunut taakkununga 2018-imi ilisimatuussutsikkut siunnersuinerit 2017-imi siunnersuinerit assigaat. Aqutsiveqarfimmut Upernavimmut atatillugu aalisarnermi 6.300 tonsit qaangerneqassanngitsut inassutigineqarpoq. Aqutsiveqarfimmi Qeqertarsuup Tunuani 2018-imut inassutigineqarpoq annertunerpaamik 6.400 tonsit pisarineqassasut. Aqutsiveqarfimmi Uummannami ilisimatuussutsikkut siunnersuinerit 6.500 tonsit inassutigineqarput.

2013-imili TAC ilisimatuussutsikkut siunnersuinerit malunnaatilimmik annertunerusimaqaaq. Aalisarnermik ingerlatsivallaarneq siunnersuinerit sulii annikillinerannik kinguneqarsimavoq, illuatungaanili aqutsiveqarfimmi pingasuni tamani TAC 2019-ip tungaanut qaffakkiartuinnarsimalluni (Takussutissiaq 6).


TAKUSSUTISSIAQ 6: KITAANI PISASSIISUTEQARFIUSUNUT AGGUATAARILLUNI SINESSAP QANITTUANI QALERALINNIARNERMI PIFFISSAMI 2015-2019-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2015	2016	2017	2018	2019
Qeqertarsuup Tunuani					
Siunnersuineq	8.000	8.000	6.400	6.400	5.120
TAC	9.200	9.200 + 100	9.200	9.200	8.180 + 2.400
Uummannaq					
Siunnersuineq	6.000	6.000	6.500	6.500	5.800
TAC	9.500	9.500 + 100	9.500	9.500	9.500 + 400
Upernavik					
Siunnersuineq	6.300	6.300	6.300	6.300	5.330
TAC	9.500	9.500 + 100	9.500	9.500	9.500
Siunnersuinerit katillugit	20.300	20.300	19.200	19.200	16.250
TAC katillugit	28.200	28.500	28.200	28.200	29.980

Paasissutissiisoq: Pinngortitaleriffik aamma KANUAANA

Aningaasarsuutugalugu aalisarnermit aamma ilisimatuussutsikkut misissuinerit qanga paasisat ima pisoqaatiginngimmata, Kalaallit Nunaata sinnerani sinnerissap qanittuani qaleralegatigiit pillugit naliliineq uumassusilerisunit nutarterneqarsinnaangilaq. Tamatuma kingunerisaanik Kalaallit Nunaata sinneranut 2019-imut pisassat annertussusissaat pillugit inassuteqartoqarsinnaangilartaaq.

3:3 SAARULLIIT

3:3:1 AVATAANIITTUT

2019-imi Kitaani saarullinnik avataaniittunik toqqaannartumik aalisartoqassanngitsoq ICES-imit inassutigineqarpoq, suffisnaasut amerliartortitseqqilernissaat pitsaanerpaamik tunngavissilluarniarlugit.

Tunumi aamma Kalaallit Nunaata kujammut kitaani saarullinnik avataaniittunik aalisarnek pillugu siunnersuineq 2018-imi 6.344 tonsiniit 2019-imi 5.363 tonsinut kinguariaateqarpoq, ilisimatuussutsikkut misissuinerit tunngavialugit saarulleqatigiit ikileriarnissaat ilimanaateqarmat.

Tunumi aamma Kalaallit Nunaata kujammut kitaani saarullinnik avataaniittunik aalisarnermik aqutsineq, aqutsinermut pilersaarut 2019-imi martsimi saqqummiunneqartoq naapertorlugu ingerlanneqarpoq, taannalu Pinngortitaleriffiup, Aalisarnek pillugu Siunnersusioqatigiit, KANUAANA-p kiisalu Aalisarnermut, Piniarnermut Nunalerinermullu Naalakkersuisoqarfiup suleqatigiinnerisigut ineriartortinneqarpoq. Aqutsinermut pilersaarut uani takuneqarsinnaavoq: apnn.gl

2019-imi Tunumii saarullit 20.000 tonsit aallarniutaasumik pisassiissutigineqarput, taakkulu ilisimatuussutsikkut siunnersuinerit sisamariaataata missaannik annertunerupput. Isumaqatigiissutaasut naapertorlugit saarullinnik EU 2.000 tonsinik, Norge 1.200 tonsinik Savalimmiullu 1.325 tonsinik tunineqarput. 2019-imi 15.457 tonsit sinneruttut kalaallit aalisartitseqatigiiffiit angallataannullu agguanneqarnissaannik tamanna kinguneqarpoq.


TAKUSSUTISSIAQ 7: TUNUMI AAMMA KITAANI AVATAANI SAARULLINNIARNERMI PIFFISSAMI 2015-2019-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

		2015	2016	2017	2018	2019
Kitaani	Siunnersuineq	Siunnersuiso-qanngilaq	Aalisartoqas-sanngilaq	Aalisartoqas-sanngilaq	Aalisartoqas-sanngilaq	Aalisartoqas-sanngilaq
	TAC	7.000 ¹	5.000 ¹	5.000 ¹	5.000 ¹	5.000 ²
Kalaallit Nunaatani	Siunnersuineq	Siunnersuiso-qanngilaq	7.577	7.930	12.151	5.363
	TAC	18.000 ¹	16.000 ¹	16.000	16.000	20.000

¹Misileraalluni aalisarneq

²Alapernaarsuilluni aalisarneq

Paasissutissiisooq: Pinngortitaleriffik aamma KANUAANA

3:3:2 SENERISSAP QANITTUANI

2019-imut sinerissap qanittuani saarullinniarnermut ilisimatuussutsikkut siunnersuineq 14.500 tonsiuvoq, tamatumani 2018-imut sanilliullugu 548 tonsit kinguaratigineqarput. 2018-imiit TAC 6.500 tonsinik ikililerneqassasoq Naalakkersuisut aalajangerpaat. Taamaakkaluartorli TAC suli siunnersuinermit sanilliullugu marloriaat sinnerlugu annertuneruvoq.

TAKUSSUTISSIAQ 8. KITAANI SENERISSAP QANITTUANI SAARULLINNIARNERMI PIFFISSAMI 2015-2019-IMI TAC AAMMA ILISIMATUUSSUTSIKKUT SIUNNERSUINERIT (TONSINNGORLUGIT)

	2015	2016	2017	2018	2019
Siunnersuineq	12.379	12.379	12.379	13.952	14.500
TAC	27.500 ¹	35.400	36.500	36.500	30.000

¹ Novembarimi pisassiisutit 2.500 tonsinik qaffanneqarput.

Paasissutissiisooq: Pinngortitaleriffik aamma KANUAANA

4. ARTIT ALLAT - AVATAANIITTUT
4:1 KALAALLIT NUNAATA KITAANI
4:1:1 TUPISSUTIT

2019-imut ICES-imit ilisimatuussutsikkut siunnersuinermit 65 tonsit qaangerneqassanngitsut inassutigineqarpoq.

Aalisarnerni allani tupissutinik saniatigut pisat sapinngisaq malillugu annertunerpaamik killilersimaarneqartariaqarput. Aalisarnermik inuussutissarsiteqartut tupissutinik saniatigut piasuisugaqarani qalerallinniartoqarsinnaanngitsooq



nalileqqippaat. 2018-imi pisassiissutinik annertussusiliineq Naalakkersuisunit attanneqarpoq, taamaalillunilu Kitaanut tupissutinik 2019-imut siunnersuineq 1.000 tonsiuvoq. Taakkunanit Kitaani 100 tonsit EU-mut tunniunneqarput.

4:1:2 SULUPPAAKKAT

2019-imut Kitaata imartaani suluppaakkanik *Sebastes mentellanik* siunnersuinermi tamakkuninnga suli toqqaannartumik aalisartoqassanngitsoq siunnersuutigineqarpoq. Suluppaakkat aalisagaapput arriitsumik alliaartortartut, taamaattumillu ukiuni tulluuttuni peqassutsip pitsanngoriaateqarnissaa naatsorsuutigineqanngilaq. Raajarniarnermi suluppaakkanik saniatigut pisat annertunerpaamik killilersimaartariaqarput. 2018-imut *Sebastes mentellat* 1.000 tonsit saniatigut pisassatut aalajangerneqarput.

2019-imut pisarnertut suluppaakkanik *pisassiisoqassanngitsoq* Naalakkersuisut aalajangerpaat, maannakkummi pisaasartut saniatigut pisat pillugit aalajangersakkanut ilaatinneqarsinnaammata.

4:1:3 NATAARNAT

Siunnersuinermit paasisanik atugassanik katersinerni nataarnartarineqartartut killeqartorujussuunerat pissutigalugu nataarnat pillugit ilisimatuussutsikkut siunnersuisoqanngilaq. Nataarnat avataasiorluni qalorsuarnik ningittakkanillu aalisarnermi saniatigut pisaasartut, taakkulu toqqaannartumik aalisarneqartanngillat. Saniatigut pisat pillugit nalunaarummi atortussanngortinneqarpoq nataarnaq qalorsuarnik pisarineqarsimanngitsoq imaanut avalatseqqinneqassasoq.

Kitaani nataarnanik *pisassiisoqassanngitsoq* Naalakkersuisut aalajangerpaat.

4:1:4 QEEQQAT

2019-imut qeeraaqqanik siunnersuinermi aalisagaqatigiit taakku aalisarfigineqartariaqanngitsut siunnersuisoqarpoq. Qeeqqanut milalinnut tunngatillugu Kitaanut 975 tonsit siunnersuutigineqarput. Ilaatigut avataani raajarniarnermi qeeqqat saniatigut pisarineqartarput, taakkulu sapinngisaq malillugu annertunerpaamik killilersimaarneqartariaqarput.

Qeeraaqqat aamma qeeqqat milallit pillugit 2019-imi *pisassiisoqassanngitsoq* Naalakkersuisut aalajangerpaat, pisarineqaratarneqarsinnaasummi saniatigut pisat pillugit aalajangersakkanut ilaatinneqarsinnaammata.

4:1:5 AMMASSAT

Kitaani ammassat pillugit ilisimatuussutsikkut siunnersuisoqanngilaq, tassami Kitaata imartaani qanoq ammassaqtiginera naammattumik ilisimaneqanngimmat. Naak 1997-1999-imi aamma 2010-mi 25.000 tonsit pisassiissutigineqassasut aalajangersarneqaraluartoq ammassiniartoqanngilaq. Taamaattumik 2012-imi, 2013-imi aamma 2014-imi ammassattassanik aalajangersaasoqanngilaq, 2015-imili ukiut siuliinisulli raajarniarnermi 3.000 tonsit saniatigut pisassatut aalajangersarneqaaqpput. Taamatut saniatigut pisatut pisassiissutit 3.000 tonsit 2017-imi 2018-imi aalajangiusimaneqarput.

Massakkut pisarineqartartut saniatigut pisarisanut ilaatinneqarsinnaammata Kitaani ammassannik 2019-imi *pisassiisoqassanngitsoq* Naalakkersuisunit aalajangerneqarpoq.

4:1:6 SAATTUAT

Aqutsiveqarfinni immikkoortuni arfinilinni saattuarniartoqarnissaa siunnersuutigineqarpoq; aqutsiveqarfinni Upernavimmi, Nuummit-Paamiunut, Qeqertarsuup Tunuani, Sisimiuni, Maniitsumit-Kangaamiunut aamma Narsamit-



Qaqortumut, taakkulu tamarmik immikkut pisassiiffiqineqarput. Saattuarniarnermi ilisimatuussutsikkut siunnersuineq ukiuni marlunni atuuttussaq tunniunneqartarpoq. 2019-imut siunnersuineq piffissami 2019-2020 siulliuvoq. 2019-imut siunnersuineq 2018-imut sanilliullugu allannguuteqanngilaq.

Taamaalilluni aqutsiveqarfimmi Nuummit-Paamiunut 2019-imi siunnersuinerit suli 1.000 tonsiniupput. Sisimiuni saattuarniarneq suli matoqqatinneqassasoq inassutigineqarpoq. Sumiiffik saattuaqassutisip malunnaatilimmik pitsanngoriaateqarneranik takussutissaqalernissaata tungaanut matoqqasariaqarpoq. Aqutsiveqarfinni Upernavimmi, Qeqertarsuup Tunuanit-Uummannamut, Maniitsumit-Kangaamiunut aamma Narsamit-Qaqortumut avataani saattuarniarnermut siunnersuisoqanngilaq.

Maannakkut Kalaallit Nunaanni avataasiorluni saattuarniarneqanngilaq, avataasiorlunimi saattuarniarneq EU-p aamma Kalaallit Nunaata akornanni aalisarneq pillugu isumaqatigiisummut tapiliussami ilaajunnaarmat. Taamaammatt saattuarniarneq avataasiorlut pisassaannik immikkut aalajangersaasoqarneq ajorpoq. Taamaattorli angallatit tunngaviummik titarnerup avataani - tassa avataasiorlut - saattuarniarneqanngilaq.

4.:2 TUNUMI

4:2:1. TUPISSUTIT / IMMINNGUIT

2019-imi tupissutinik ilisimatuussutsikkut siunnersuinernik suli saqqummiussisoqanngilaq. Tupissutit ikeqaat.

Aalisarnermik inuussutissarsiuqartut tupissutinik saniatigut piasisuugaqarani qaleralinniartoqarsinnaanngitsoq nalileqqippaat. 2018-imut pisassiissutinik annertussusiliineq Naalakkersuisut aalajangiusimavaat, taamaalillunilu 2019-imi tupissutinik TAC Tunumut 1.000 tonsiuvoq, taakkunaniillu 110 tonsit EU-mut tunniunneqarput, 100 tonsillu Norgemut tunniunneqarlutik.

4:2:2 SULUPPAAKKAT – TUNUMI AAMMA ISLANDIMI (PISASSAT AKULERIISSITAT)

Tunami suluppaagaqatigiiaat marluk aalisarneqartarput, tassaasut *Sebastes norvegicus* (suluppaagaq angisooq) aamma *Sebastes mentella* (suluppaagaq itisoormioq). 2016-imi aalisarnermit misiligutissanik tigoraanerit tunngavigalugit suluppaakkat angisuut *Sebastes mentella* 36 %-iusut aamma suluppaakkat itisoormiut *Sebastes norvegicus* 64 %-iusut Pinnngortitaleriffimmit naliliisoqarpoq.

Suluppaakkat itisoormiut *Sebastes mentella* tatineqarput, ilaatigut *Sebastes norvegicus* aalisarneqarneranni saniatigut annertuallaamik *pisarineqartarnerat pissutigalugu*. Aalisakkat taakku marluk immikkoortikkuminaupput. Annertunerusumik *pisarineqartartut* tassaasut *Sebastes norvegicus* nalilerneqarput. *Sebastes norvegicus* (Suluppaakkat angisuut) siaruaassimaffigaat imartat Kalaallit Nunaanniit Islandimut Savalimmiunullu. Aalisarnerup annertunersaa Islandip imartaani ingerlanneqartarpoq.

2018-imi Tunup, Islandip Savalimmiullu imartaanni tamani annertunerpaamik 50.800 tonsinik pisaqartoqarnissaa ICES-ip inassutigaa. 2019-imut inassutigineqartut 7.200 tonsinik ikileriarput, taamaalillutik 43.600 tonsinngorlutik.

2018-imut *Sebastes mentellanik* annertunerpaamik 1.142 tonsinik pisaqartoqarnissaa ICES-imit siunnersuutigineqarpoq. 2019-imi siunnersuineq suli 914 tonsinik appariartinneqarpoq. 2016-imi 2.240 tonsinik siunnersuinerimut sanilliullugu taakku 1/3-liisa missaaniupput. Misissuinerit takutippaat suluppaagaqatigiit piffiisami 2009-2015 ikiliartuaarsimasut, kiisalu 2012-imi nutaanik pilertoqarsimangitsoq. *Sebastes mentella* arriitsumik alliertortarnini kingusissukkullu kinguaasiulersinnaanini kiisalu amerlasoorsuakkaarlutik siumorneqarsinnaanertik pissutigalugu ajortumik sunnertiasuupput.



Kalaallit Nunaata 2015-imi Island suluppaakkat pillugit isumaqatigiissuteqarfigaa, tassanilu *Sebastes norvegicus*-inik aalisarnissamut agguasseriaatsit aalajangersarneqarput, TAC-ip 10%-ii Kalaallit Nunaannut tunniunneqarput, siusinnerusumullu sanilliullugu taakku amerleriarput.

2019-imut katillugit Tunumi suluppaakkat 5.274 tonsit pisassiissutit aalajangerneqarput, taakkulu 2018-imut pisassiissutit sanilliullugit 948 tonsinik ikileriarput. Aallaqqaammut pisassiissutit Rusland 300 tonsinik tunineqarpoq, Norge 1.000 tonsinik EU-lu 2.000 tonsinik tunineqarlutik. Nunanut allanut pisassiissutinik tunniussisoqareernerani Kalaallit Nunaat katillugit 1.974 tonsinik pisassaqartinneqarpoq. Pisassiissutaasut 2018-imi 3.122 tonsiupput. Tassa kalaallit ingerlatseqatigiiffiit pisassiissutit agguassassat 36,8 %-imik annikilleriarput.

4:2:3 SULUPPAAKKAT – IRMINGERIP IMARTAANI

Irmingerip imartaani *Sebastes mentellanik* (suluappaakkat itisoormiunik) sulupaagaqatigiinnik ataatsimoorussanik peqarpoq, taakkulu Kalaallit Nunaata, Islandip, Savalimmiut nunallu tamalaat imartaani siumorneqarsinnaapput. *Sebastes mentella* nunat tamalaat imartaanni aalisarneqarsinnaammata suluppaakkat taakku NEAFC-mit aqunneqarput. Naalagaaffiit sineriallit pillugit NEAFC-imi isumaqatigiissut malillugu naalagaaffiit sineriallit pingasut 60%-imik tunineqassapput, NEAFC-imilu ilaasortat sinneri (Norge, EU aamma Rusland) nunat tamalaat imartaanni sulupaagaqatigiinnik aalisartartut 40%-imik tunineqarput. Rusland-imilli isumaqatigiissut akuerineqanngisaannarpoq, annertoorujussuarmillu aalisarnermik ingerlatsinini aalajangiusimavaa.

Irmingerip imartaani suluppaakkat itisoormiut *Sebastes mentella* immikkoortunut marlunnet avissimapput, ikkannerusumiittut itinerusumiittullu. Suluppaakkat ikerinnarsiortut 500 meterimit ikkannerusumi aamma itisoorsiortut 500 meterinit itinerusumi siumorneqartarput. Suluppaakkat ikerinnarsiortut Kalaallit Nunaata imartaaniinnerupput, kiisalu itisoorsiortut Islandip imartaaniinnerullutik.

Sulupaagaqatigiit ikerinnarsiortut itisoorsiortullu pillugit 2018-imut 2019-imullu ilisimatuussutsikkut siunnersuinerit malillugit "toqqaannartumik aalisartoqassanngitsut" siunnersuutigineqarpoq, ukiunimi tulluittuni pitsanngoriaateqartoqarnissaa naatsorsuutigineqanngimmat.

Killiffikkaartumik annikilliliisoqarnissaanik NEAFC-imi isumaqatigiissut naapertorlugu 2019-imi Irmingerip imartaani suluppaakkanik TAC 1.335 tonsiussasoq aalajangerneqarpoq, 2018-mullu sanilliullugu tamanna 211 tonsinik annikinneruvoq, taamanimi TAC 1.546 tonsiummat. Kalaallit aalisariutaat 2004-mili aalisarnermi toqqaannartumik peqataanikuunngillat, aalisarnermummi pisinnaatitaanertik EU-lu Aalisarnermut peqatigiinnissaq pillugu isumaqatigiissut aqutugalugu tunisimammassuk.

4:2:4 NATAARNAT

Tunumi nataarnaqatigiit pillugit 2019-imi sulii ilisimatuussutsikkut siunnersuisuutininik saqqummiussisoqanngilaq.

2019-imi Tunumi nataarnat 1.000 tonsit pisassiissutigineqarput, tamannalu 2018-imut sanilliullugu affaannaraa, nunallu marlut illugiillutik isumaqatigiissuteqarnerat naapertorlugu 10 tonsit Norgemut pisassiissutigineqarput, sinnerili saniatigut pisassatut immikkoortinneqarlutik. Aalisarneq pillugu isumaqatigiissummut tapiliussami 2016-2020 naapertorlugu EU-mut pisassiisoqartarunnaarpoq, tamatumalu kingunerisaanik avataasiorluni qalerallinniarnermi pisassiissutit tamarmik saniatigut pisassanngortinneqarput.

4:2:5 QEEQQAT

Tunumi qeeqqat milallit qeeraaqqalluunniit pillugit 2019-imi sulii ilisimatuussutsikkut siunnersuisoqanngilaq.



Artit marluusut taakku pillugit Naalakkersuisunit 1.000 tonsit saniatigut pisassanngortinneqarput, taamaattorli 2019-imi qeeqqanik milalinnik qeeraaqanillu pisassanik *pileritsisoqanngilaq*, artimmi taakku saniatigut pisat pillugit nalunaarut malillugu malittarisassaqaartinneqartariaqarmata.

4:2:6 AMMASSAT

Imartami Jan Mayenip Islandip aamma Kalaallit Nunaata akornanni ammassat ataatsimoorunneqarput, taakkulu Norgep, Islandip aamma Kalaallit Nunaata akornanni pingasuulluni peqatigiilluni isumaqatigiissutikkut malittarisassaqaartinneqarput. Nunat taakku pingasut suleqatigiillutik TAC-imik aalajangersaassapput, Islandimi Imaani Ilimatusarnermut Institutimit siunnersuineq tunngavigalugu. Ammassat pillugit isumaqatigiissut uani nassaarineqarsinnaavoq; apnn.gl

Ammassat pillugit isumaqatigiissut pisariusumik isumaqatigiissutaavoq, tassanimi TAC-mik arlaleriarluni aalajangersaasoqartarami. Ukioq pisassiiffik tassaavoq 20. junimiit ukiumi tulliuttumi 30. aprilip tungaanut. Ilimatusaatigalugu misissuilluni angalasarnernit islandimiunit ukiumut arlaleriarluni ingerlanneqartartunit paasisat tunngavigalugit siunnersuisoqartarpoq. Islandimi Imaani Ilimatusarnermut Institutip 2019-imi misissuinerani kalaallit angallataat ataaseq ikiortaavoq.

Piffissami aalisarfiusumi 2016/2017-imi 299.000 tonsit pisassiissutigineqassasut siunnersuutigineqarpoq. 2018/2019-imut siunnersuineq tassaavoq; ammassat pillugit *TAC-liisoqassanngitsoq*.

Nunat pingasuusut isumaqatigiissutaat naapertorlugu ilisimatuussutsikkut siunnersuinerit 15 %-iilik Kalaallit Nunaat 2018-imi pisassaqaartussaataavoq. EU-mik Aalisarnermik peqatigiinnermut isumaqatigiissut naapertorlugu kalaallit pisassiissutinit pissarsiaasa 70 %-ii EU-mut neqeroorutigineqartussaapput.

Piffissami 2018/2019-imi ammassat pillugit TAC inaarutaasumik 0 tonsinngorlugu allaffissornikkut inissinneqarpoq.

4:2:7 SAARULLERNAT

Saarullernat naalagaaffiit sineriallit ataatsimoorussaraat, taamaammallu naalagaaffiit sineriallit EU-p, Norgep, Savalimmiut Islandillu akornanni TAC-p annertunersaa agguaqatigiissutigineqartarpoq. Nunat pingajuattut aamma NEAFC-imi isumaqatigiissummik atsioqataasut Kalaallit Nunaat ikinnerusunik saarullernattassinneqarpoq. Rusland aamma taamatut pineqarpoq, tassami Rusland naalagaaffittut sinerialittut aamma akuerineqanngimmat.

2019-imi saarullernat pillugit ilisimatuussutsikkut siunnersuineq 1,143.629 tonsiuvoq, tamannalu 2018-imut sanilliullugu 244.243 tonsinik kinguarianeruvoq, taamanikkummi siunnersuineq 1,387.872 tonsiummat, kinguariaallu 18 %-iulluni.

NEAFC aqutugalugu Kalaallit Nunaat 2019-imi saarullernanik 6.192 tonsinik pisassaqaarpoq, 2018-milu TAC 7.514 tonsiuvoq. Pisassiissutit NEAFC-ip aqutsivigisaani Savalimmiormiut imartaanni Savalimmiullu illugiilluta isumaqatigiissuterput naapertorlugu aalisarneqarsinnaapput.

4:2:8 AMMASSASSUIT

Ammassassuit Kalaallit Nunaata imartaaniittut Atlantikup Avannaani ataatsimoorunneqarnerat ilimanarluinnarpoq, tassaappullu ammassassuit atlanto-skandisk-it (Norgep imartaani upernaakkut suffisartut).

2019-imi ammassassuit atlanto-skandiskit pillugit ilisimatuussutsikkut siunnersuinerit 588.562 tonsiupput, taakkulu 2018-imi siunnersuinerimut sanilliullugu 153 %-eraat, taamanimi 384.197 tonsinik siunnersuisoqarpoq.



Naalakkersuisut 2019-imi 2018-imisuuili Kalaallit Nunaata imartaani 25.000 tonsinik pisassiissuteqarput.

Tunami 2018-imi ammassassuit 339 tonsit pisarineqarput, 2019-imili *pisaqartoqanngilaq*. Tamatumani pissutaaneruvoq, piffissaq aalisarfiusoq avaleraasartuunik aalisarnerup nalaani ingerlanneqartarmat, angallatinillu avaleraasartuut pingaernerutinneqartarmata.



4:2:9 AVALERAASARTUUT

Tunumi avaleraasartuut Atlantikup avannaata kangiani ataatsimoorussat ilagaat. 2019-imi ilisimatuussutsikkut siunnersuinerit malillugit 318.403 tonsit qaangerneqassanngitsut inassutigineqarpoq, majimili siunnersuineri periaatsimik sanillersuussilluni naatsorsueriaaseqalernerup kingorna siunnersuineq 770.358 tonsinngorpoq. 2018-imut siunnersuinerit sanilliullugu tamanna 140 %-inik qaffariarneruvoq, taamani siunnersuineq 550.948 tonsiummat.

2019-imi 59.729 tonsit pisassiissutigineqassasut Naalakkersuisut aalajangerpaat, nutsamillu siunnersuereernerup kingorna taakku 70411 tonsinut annertusineqarput. 2018-imut sanilliullugit 11 %-inik annertunerupput, taamani pisassiissutit 63.365 tonsiummata. 2019-imi Kalaallit Nunaata imartaani avaleraasartuunik pisassiissutinit pisat annikinnerat pissutigalugu, nunat tamalaat imartaani avaleraasartooriarnermut piffissarititaq ulloq 1. septembarimii ulloq 6. augustimut siuartinneqarpoq. Tamatuma saniatigut pisassiissutinit nunat tamalaat imartaani aalisarneqarsinnaasut annertunerpaaffissaat peerneqarpoq, tamannalu pisarnertut 15-22 %-iusaraluarpoq. Tamatuma kinguneraa, siusinnerusumut sanilliullugu pisat annertunersaat nunat tamalaat imartaani pisarineqarmata. 2019-imi avaleraasartuut pisarineqartut 29.388 tonsiupput, 2018-imilu pisat 63.000 tonsiummata kinguariaateqartoqarpoq.

Avaleraasartooriarneq NEAFC aqutugalugu tassungalu atasumik naalagaaffiit sineriiallit isumaqatigiissutaasigut aqunneqarpoq. Piffissamili 2010-2014-imi isumaqatigiissuteqartoqanngilaq, tassami naalagaaffiit sineriiallit EU, Norge, Savalimmiut aamma Island agguassineq pillugu isumaqatigiissinnaanngimmata. 2014-mili naalagaaffiit sineriiallit akornanni EU-mit, Norge-mit Savalimmiunillu ilaannakortumik isumaqatigiissusiortoqarpoq. Kisianni nunanut tamalaanut atatillugu isumaqatigiissut inatsisitigut pituttuisuunngilaq, tassami ilaannakortumik isumaqatigiissut NEAFC-imi amerlanerussuteqarfiunngimmat. Kalaallit Nunaat 2016-imi naalagaaffittut sineriiallit akuerineqarpoq.

5 ARTIT ALLAT - SINESSAP QANITTUANI

5:2 KITAANI

5:2:1 SAATTUAT

2004-imi saattuarniarneq pillugu nalunaarut nutaaq Naalakkersuisut akuersissutigaa, tassanilu sinerissap qanittuani aalisarneq aqutsiveqarfinnut arfinilinnut agguataarneqarpoq; Upernavik, Nuuk-Paamiut, Qeqertarsuup Tunua, Sisimiut, Maniitsoq-Kangaamiut aamma Narsaq-Qaqortoq, tamarmillu immikkut pisassinneqarput. Taamaattorli 2013-imiilli saattuarniarneq aqutsiveqarfinni Sisimiuni, Qeqertarsuup Tunuani aamma Nuummitt-Paamiunut ingerlanneqarnerusarpoq. 2002-imi saattuat ikiliartulerput, kiisalu 2006-imiilli saattuarineqartartut 2.000 tonsit aamma 3.000 tonsit akornanniittarsimapput.

Saattuanik isumalluutit pillugit Pinngortitaleriffimmit ukiunut marlunnut nalunaarusiortoqartarpoq. Taamaammat 2018-imut siunnersuineq 2017-imut sanilliullugu allannguuteqanngilaq, aammali 2019-2020-mut nalunaarusiaq nutaaq atuuppoq. 2019-imut ilisimatuussutsikkut siunnersuineq 2018-imut sanilliullugu allannguuteqanngilaq. Aqutsiveqarfimmi Nuummitt Paamiunut 200 tonsit, aqutsiveqarfimmi Qeqertarsuup Tunuani 400 tonsit aqutsiveqarfimmi Sisimiuni 300 tonsit annertunerpaamik pisarineqassasut inassutigineqarpoq. Paasisatut tunngavigisassat naammattut pigineqanngimmata, aqutsiveqarfinnut Upernavimmut, Maniitsumiit Kangaamiunut aamma Narsamiit Qaqortumut suli siunnersuisoqanngilaq.

2019-imut inaarutaasumik TAC 2018-imi TAC-mut sanilliullugu allannguuteqanngilaq, taamanimi katillugit 3075 tonsiupput, immikkoorutituaavorli Sisimiut eqqaannut ilassutitut pisassiissutit. 2019-imut TAC siunnersuinermit



annertunerulaarpoq, Upernavimmut 400 tonsiullutik, Qeqertarsuup Tunuanut 525 tonsiullutik, Sisimiunut 630 tonsiullutik (taakkunanit 130 tonsit ilassutitut pisassiissutigineqarput), Maniitsumiit Kangaamiunut 225 tonsiullutik, Nuummiit Paamiunut 1.200 tonsiullutik (sinerissap qanittuani 200 tonsit, avataanilu 1.000 tonsit) kiisalu Narsamiit Qaqortumut 225 tonsiullutik. Saattuat pillugit ataatsimut TAC 2019-imi taamaalilluni 3.205 tonsiuvoq, tassa 2018-imut sanilliullugu 4 %-inik annertunerulluni.

5:2:2 UILUIIT

2004-mili ilisimatuussutsikkut siunnersuisoqarnikuunngilaq aammalu aalisarnermik inuussutissarsiortuniit uiluinniarnermik aqutsinermi allannguisoqarnissaanik kissaateqartoqarsimanani.

Taamaattumik Naalakkersuisut pisassiiffiit pisassiissutillu annertussusaat taakku aalajangiusimaniarlugit toqqarsimavaat, taamaalilluni 2019-imut TAC allannguuteqarani 2.520 tonsinut aalajangerneqarluni. Pisassiinerit ima agguataarneqarput; Nuummut 720 tonsit, Aqajaruanut 0 tonsit, Attumiit Sisimiut kujataanut (Saqqamut) 400 tonsit, Sisimiuniit Kangaarsummut 700 tonsit, Nassuttuumullu 700 tonsit. Kalaalit Nunaata sinneranut killiliisoqanngilaq.

5:2:3 KAPISILLIT

Atlantikumi kapisilik nuttartuuvoq, taamaammallu NASCO-mi⁴ suleqatigiinnikkut malittarisassaqaartinneqarluni.

ICES-imit ilisimatuussutsikkut siunnersuineq 2009-mili ilungersunarsimaqaaq. Kapisileqassuseq oqaluttuarisaanermi aatsaat taama annikitsigisoq nalilerneqarpoq, peqassutsillu pitsanngoriarnissaanut maannamut iliuutsit iluaqutaarpa-singillat. 2002-mili Kalaallit Nunaannit taamaallaat nammineq atugassanik kapisilinniarnerup akuerineqarsinnaanera ersarissumik taamaalilluni sunniuteqanngilaq, nammineq atugassanik kapisilinniarnermi aamma inuuniutigalugu kapisilinniarnerut taaneqartumi ukiumut 20-50 tonsit missaaniittut aalisarneqartarmata.

2018-imi Kalaallit Nunaanni kapisilinniarneq pillugu aqutsinermit ukiunut pingasunut (2018-2020) isumaqatigiissut nutaaq akuerineqarpoq, tamatumani inuuniutigalugu kapisilinniarneq taamaallaat akuerisaavoq. Tamatuma ilaatigut kinguneraa, aalisarnerup killilerneqarnerani pisassat aalajangersimasumik 30 tonsiulersinnerat, kiisalu nalunaaruteqarnerup aalisarnerullu nakkutigineqarnerata pitsaanerulernissaanut Kalaallit Nunaat pisussaaffilerneqarnera.

2018-imi NASCO-mik ukiunut pingasunut nutaamik isumaqatigiissut naapertorlugu Naalakkersuisut kapisilittassanik 30 tonsinik pilersitsiniarlutik aalajangiipput, pisassiissutillu taakku inuussutissarsiutigalugu aamma sunngiffimmi aalisartunut atuupput. Taamatuttaaq Kalaalimineerniarfimmi taamaallaat kapisilinnik tuniniaasoqarsinnaasoq Naalakkersuisut aalajangerpaat.

2019-mi TAC 19,5 tonsinut aalajangerneqarpoq. 2018-imi annertuallaamik aalisarsimaneq iluarsiviginiaarlugu pissassiissutit 30 tonsiniit 19,5 tonsinut ikilinerneqarput, taamanimi pisat katillugit 40,5 tonsiummata, taamaalillunilu TAC 10,5 tonsinik qaangerneqarsimalluni.

2019-imi kapisillit pisat katillugit 28,8 tonsiupput, taamaalillunilu TAC-mut sanilliullugu taakku 164 %-iupput, taman-nalu 2020-mut pisassiissutinik ikililereqqinnissamik kinguneqarpoq.

5:2:4 NIPISAT, ARNARLUIT

4




Inuussutissarsiutigalugu nipisanniarnermi nipisat arnarluit upernaakkut suaqartartut aalisarneqartarput. Angusalluk ukioq tamakkerlugu aalisarneqarsinnaavoq, taamaattumillu aqutsinermut pilersaarummi ilaatinneqangimmat nalunaarummi uani sammineqangilaq. NAFO-mi sumiiffiliinerni immikkoortuni 1A-mit 1F-imut (Assiliaq 2) Kitaa tamakkerlugu kujataani Nanortalimmit (60°00' N) avannaani Upernavimmut (72°50' N) sinerissap qanittuani arnarlunniarneq upernaakkut ingerlanneqartarpoq.

Aqutsinermut pilersaarut malillugu nipisanniartoqartarpoq, tassanilu siunnersuineranut periaatsit aamma TAC-mik aalajangersaanerit, malittarisassaqtitsineq, aqutsineq aamma nipisanniarnermi nalunaarsuineq allaaserineqartarput, taamaalillutik nipisaqatigiit piujuartinneqarsinnaassammata. Nipisanniarneq 2015-imi MSC-mit nalunaaqutserneqarpoq, taamatullu nalunaaqutsiinerup attatiinnarnissaanut aqutsinermut pilersaarutip eqqortinneqarnissaa qitiulluinnarpoq.

TAC aamma ullut aalisarfusut amerlassusiat pillugu ilisimatuussutsikkut siunnersuineq ukiunut marlunoortuuvoq, aqutsinermullu pilersaarut tunngaviuvoq. Nipisanniarnermi saniatigut pisanik malittarisassaqtitsinermut TAC atortussatut tulluurtutut isigineqangilaq, taamaattumillu ullut aalisarfusut amerlassusiat atugaalernikuuvoq. MSC-mik nalunaaqutsiinerup attatiinnarnissaa siunertaralugu tamanna pisariaqarpoq. Aqutsinermut pilersaarut uani nassaarineqarsinnaavoq: apnn gl

2018-2019-imut ilisimatuussutsikkut siunnersuineq 1.300 tonsiuvoq.

ASSILIAQ 2: KITAATA SINERIAA PILLUGU NAFO-MIT SUMIIFFILIINERIT, AAMMA SUMIIFFILIINERIT IMMIKKOORTITERNEQARNERAT





Taamatuttaaq pisassiissutit sumiiffinnut agguataarnissaat pillugu ukiut tamaasa siunnersuisoqartarpoq. Ukiut pingasut siuliini aalisarneq tunngavigalugu, aalisarneq ukiut tamaasa agguataarneqartassasoq aqutsinermut pilersaarummi akuerineqarnikuvoq. NAFO-mi sumiiffiliinernut immikkoortiterneqartunut agguaaasseriaaseq ukiut tamaasa Pinngortitaleriffimmit naatsorsorneqartarpoq. Tamatuma kingorna immikkoortiterneqartunut pisassiissutit agguaanneqartarput, taakkualu 85 %-ii agguaaasseriaaseq naapertorlugu tunniunneqartarput, sinnerilu 15 %-t NAFO-mit sumiiffiliinerit immikkoortinneqartut akornanni naligiimmik agguaanneqartarput.

Ilisimatuussutsikkut siunnersuineq naapertorlugu TAC ukiut ataasiakkaalugit aalajangerneqartarpoq, maleruagassallu aalajangeriikkat tunngavigalugit iluarsivigineqartarluni. NAFO-mi sumiiffiliilluni immikkoortiterneqartut tamarmik pisassiissutinik tunineqartarput.

Ilisimatuussutsikkut siunnersuineq aamma Kitaani nipisanniarnermi aqutsinermut pilersaarut naapertorlugu Naalakkersuisut 2018-imisuulli 2019-imi TAC 1.300 tonsiussasoq aalajangerpaat. Sumiiffinni tamani ukioq siulianisuulli aalisarnermut piffissarititaasoq ullut 44-ssasut aalajangiussimaneqarpoq.

TAC katillugu 1300 tonsiusoq NAFO-mit sumiiffiliinerni immikkoortunut agguataarineq imaappoq: 241 tonsit 1A-mi, 261 tonsit 1Ba-mi, 14 tonsit 1Bb-mi, 224 tonsit 1C-mi, 282 tonsit 1D-mi, 156 tonsit 1E-mi aamma 121 tonsit 1F-imi.

2019-imi nipisattassiissutinit pisat 1.096 tonsiupput.

6 MISILERAALLUNI AALISARNEQ.

Naalakkersuisut ukiut siuliinisuulli aalajangerput 2019-imi arlalinnik assigiinngitsunik misileraalluni aalisartoqassasoq. Kalaallit Nunaani imartat ujaasiffigineqarnissaat kiisalu aalisarfusinnaasunik nutaanik sumiissusersiniarneq misileraalluni aalisarnerni siunertarineqarput.

2019-imi misileraalluni aalisarnernit pisassiissutinit pissarsiat annikitsuarsuupput. Misileraalluni aalisarnernit pisassiissutit amerlanersaat assigiinngitsunik pissuteqarluni atungitsoorneqarput, ataatsimulli isiginiassagaanni ingerlatseqatigiiffiit misileraallutik aalisarnermut pisassiissutaatitik salliutinniarsimanngilaat.

6:1 KITAANI

6:1:1 AVATAATA SAARULLII - ALAPERNAARSUILLUNI AALISARNERIT

Aalisarneq pillugu inatsimmi § 5 naapertorlugu naalakkersuinikkut kissaateqarnerup kingunerisaanik 2019-imi upernaakkut aalisarneq alapernaarsuilluni aalisarnertut pilersinneqarpoq. Misileraalluni aalisarnermut saarullittassat 2.000 tonsit pilersinneqarput. Ingerlatseqatigiiffiup ataatsip NAFO-mi sumiiffiliinernit sisamanit marluusuni pisassiissutit 273 tonsit atorsimavai.

6:1:2 AMMASSAT AALISAKKALLU IKERINNARSIORTUT ALLAT (AMMASSASSUIT, EQALUGAASAT PUTOORUTTULLU)

Misileraalluni aalisarneq peqataallutik ingerlatsisut Pinngortitaleriffik, KANUAANA aamma APNN suleqatigalugit 2019-imi siullermeertumik pilersinneqarpoq. 5.000 tonsit ammassatassiissutigineqarput taakkulu aqutsiveqarfinnut pingasunut agguataarneqarput, kiisalu ammassassuit 500 tonsit, eqalugaasat 500 tonsit aamma putooruttut 500 tonsit pisassiissutigineqarlutik.

Naak nukippassuit aalisarnissamut atorneqaraluartut, ingerlatseqatigiiffik ataasiinnaq misileraalluni aalisarpoq, pisassiissutinillu atorneqarput ammassat 15 tonsit.



6:1:4 GULDLAKS

Tunumi Kitaanilu guldlaksinik annertunerpaamik 3.000 tonsinik pisassiillutik Naalakkersuisut 2019-imi misileraanermik pilersitsippit. Akuersissut sumiiffimmi pineqartumi saarullinniarnissamut suluppaagarniarnissamullu akuersissummut ilanngullugu taamaallaat tunniunneqarsinnaavoq. Pisassiissutigineqartut killiligangitsumik aalisarneqarsinnaapput, aalisarnerlu ingerlaannaq unitsinneqassaaq saarullinnik imaluunniit suluppaakkanik pisassaattillip pisassani nunguppagit.

Guldlaksinik misileraalluni pisassiissutit 2019-imi *atorneqanngillat*.

6:1:5 AMIKUT

2019-imi killiliilluni amikunik pisassiisoqarpoq, pisassiinerlu Tunumut Kitaanullu atuuppoq. Sinerissap qanittuani saarullinnut qalerallinnullu akuersissutaateqareersut akuersissutinik tunineqarniarput. Akuersissuteqarnermi piunasaqaataavoq, ingerlatsisut sinerissap qanittuani saarullinnik qalerallinnillu pisaqarnissamut suli periarfissaqarnissaat. Saarullittassat qalerallittassallu tamakkerneqarpata aalisarneq unitsinneqassaaq.

Pisassiissutit 2019-imi *atorneqanngillat*.

6:1:6 INALUGALLIT.

Ingerlatseqatigiiffiit soqutinittut arlallit kaammattuinerisigut misileraalluni aalisarneq 2019-imi siullermik pilersinneqarpoq. Qallunaat qanittukut inatsimmik allannguinerisigut soqutiginnittoqalerpoq, tamatumanimi inalugalinnik nunanut allanut tunisneq immiut akilersinnaalissamat. Inatsimmik allannguneq Kalaallit Nunaannut suli sunnuteqalinnigilaq, Kalaallit Nunaannimi nunanut allanut niuernerme maleruagassat pisoqqat sukannerneqarsullu suli atuummata, ingerlatseqatigiiffiilli naliliippit, Kalaallit Nunaata qallunaat iliuusiannik malinninnissaanut piffissaq apequtaaginnartoq.

Ingerlatseqatigiiffiup ataatsip 2019-imi misileraanermut pisaassiissutit atorpai, pisassiissutinillu 60 tonsit missaaniittut pisarineqarput.

6:1:8 SIUTERORSUAQ KONKSNEGL

Konksneglit pillugit 2019-imi misileraanissamut pisassiissummik pilersitsisoqarpoq. Pisaassiissut *atorneqanngilaq*.

6:2 TUNU

6:2:1 SAARULLIIT, QALERALLIT, NATAARNAT, TINGUTTOOQ, SAARULLIIT ILAAT LANGE, QEEQQAT AAMMA SINERISSAP QANITTUANI EQALLUT

2019-imi saarullinnik, qalerallinnik, nataarnanik, tinguttuunik, saarullit ilaannik langenik, qeqqanik eqalunnillu ningittagarsorluni pullatinillu misileraalluni aalisarnermik pilersitsisoqarpoq. Tunumi Tasiilap Ittoqqortoormiillu eqqaanni aalisarnerup siuarsarneqarnissaa siunertarlugu 2014-imi misileraalluni aalisarneq pilersinneqarpoq. Ingerlatseqatigiiffiit amerlanerpaamik tallimat tamarmik immikkut ataatsimik angallatilerlutik misileraallutik aalisarsinnaapput aamma misileraalluni aalisarnissamut akuersissutit tunniunneqartut kalaallit ningittagarsuutaannut salliutillugit tunniunneqartarput. Pisassiissutaasunit 0,7 tonsit 2019-imi atorneqarput.



6:2:2 TUNUMI 69° N-IP AVANNAANI AKULERIINNIK AALISARNEQ

Misileraalluni aalisarnek avataasiorluni akuleriinnik pisassaqrifiulluni ingerlanneqartussa q pilersinneqarpoq, aalisarnermilu ningittakkat, qalorsuit, qassutit pullatillu atorlugit 900 tonsit pisarineqarsinnaasimapput, taakkunanngalu qalerallit 135 tonsit sumiiffinnut immikkoortunut pingasunut naligiimmik agguarlugit pisarineqarsinnaasimallutik:

Sumiiffimmi 69° N-ip avannaani akuleriinnik misileraalluni aalisarnermut pisassiissutit 2019-imi *atorneqanngillat*. Peqataasutut ingerlatsisunit soqutiginninnerup amigaataaneranut angalanerup imminut akilernissaanut pisassiinerit annikippallaarnerat pissutaatinneqartoq Naalackersuisoqarfimmit ilimagineqarpoq.

6:2:3 GULDLAKS

2019-imi guldlaksinik Tunumi Kitaanilu misileraalluni aalisarnissamik Naalackersuisut pilersitsipput. Takuuk 6:1:4.

6:2:4 AMIKUT

2018-imi Tunumi Kitaanilu amikortassiissoqarpoq. Takuuk 6:1:5.

6:2:5 SULUPPAAKKAT

Misileraalluni aalisarnek inuussutissarsiortunit saaffiginninnikkut pilersinneqarpoq, taannalu Pinngortitaleriffillu suleqatigiissutigineqarpoq, pisassiissutaappullu 1.000 tonsit.

2019-imi Tunumii suluppaakkat 694 tonsit ingerlatseqatigiiffinnit marlunnit aalisarneqarput. Pisat Tunu tamakkerlugu agguataarsimapput, Kleine Bankillu eqqaani kalinnerit amerlanerit ingerlanneqarput.

7. NAALAGAAFFIIT ILLUGILLUTIK ISUMAQATIGIISSUTAAT

Aalisakkat assigiinngitsut pillugit Naalackersuisut TAC-mik aalajangersaareernerisigut, Kalaallit Nunaata nunallu Kalaallit Nunaata illuatungeriillutik aalisarnermut isumaqatigiissuteqarfigisimasaasa akornanni pisassiisutit ilaannik paarlaasseqatigiittoqartarpoq. Pisassiissutinik paarlaasseqatigiinnerit kinguliani allaaserineqarput. Agguassineq aamma ilanngussami 1-imi takuneqarsinnaavoq.

7:1. EU

Kalaallit Nunaata aalisarnikkut suleqatigiinnissamik EU-mik isumaqatigiissutaa, aalisarnermik isumaqatigiissutini pingaarnersaavoq. Isumaqatigiissut isumaqatigiissutinut tapiliussat atorlugit aqunneqartarpoq. Isumaqatigiissutinut tapiliussat ingerlaavartumik nutarterneqartarput. Maanna isumaqatigiissummut tapiliussaq ulloq 1. Januar 2016 atortussanngortinneqarpoq, atorunnaassallunilu ulloq 31. December 2020. Isumaqatigiissummut tapiliussami allanneqartarput pisassiissutit annertussusiat Kalaallit Nunaata aningaasanik akilersillugit EU-mut neqeroorutigisat, aalisarnermillu pisinnaatitsissutinit akiliutit Kalaallit Nunaat ukiumut 135 mio. kr.-t missaani pissarsisarpoq. Takussutissiami tullinnguuttumi pisassiissutit Kalaallit Nunaata 2019-imi EU-mut tunniussai takutinneqarput.

[TAKUSSUTISSIAQ 9: ISUMAQATIGIISSUMMUT TAPILIUSSAQ MALILLUGU KALAALLIT NUNAATA EQQAANI EU-P AALISARNERMUT PERIARFISSAI 2016-2020, KIISALU 2019-IMUT ANNERTUSSUTSIT ISUMAQATIGIISSUTIGINEQARTUT \(TONSINNGORLUGIT\).](#)



	Isumaqatigiisummut tapiliusaaq 2016-2020 malillugu aalisarnermut periarfissatut tikkuussat (tonsinggorlugit)	Aalisarnermut periarfissat isumaqatigiisutigineqartut (tonsinggorlugit) 2019-imut EU-mut tunniussat	Isumaqatigiisummut tapiliusaaq 2016-2020 aamma 2019-imut isumaqatigiisutit nikingassutaat
Saarullit	1.800	2.000	+200
Suluppaakkat ikerinnarsiortut	2.200	1.335	-865
Suluppaakkat natermiut	2.000	2.000	0
Qalerallit, Kitaani	2.500	2.500	0
Qalerallit - Tunumi	5.200	5.200	0
Raajat itisoormiut - Kitaani	2.600	2.800	+200
Raajat itisoormiut - Tunumi	5.100	37.50	-1.350
Ammassat	20.000	0	-20.000
Tupissutit - Kitaani	100	110	+10
Tupissutit - Tunumi	100	100	0
Saniatigut pisat	1.126	1.050	-76

Paasissutissiisoq: EU-Greenland Sustainable Fisheries Partnership Agreement, Minutes of the Joint Committee Meeting in the framework of the Protocol 2016-2020 between the Government of Greenland and the European Union, 19.-21. november 2018-imeersoq.

Takussutissiami 9-mi takuneqarsinnaasutut Agreed Minutes 2019 naapertorlugu Kalaallit Nunaanni pisassiissutinit tunniussatut isumaqatigiisutigineqartunit saarullittassiissutinit 200 tonsinik amerlanerusunik, kitaani raajartassiissutinit 200 tonsinik amerlanerusunik aamma kitaani tupissutinit pisassiissutinit 10 tonsinik amerlanerusunik EU pissarsivoq.

Takussutissiami 9-mi takuneqarsinnaasutut Agreed Minutes 2019 naapertorlugu Kalaallit Nunaanni pisassiissutinit tunniussatut isumaqatigiisutigineqartunit suluppaakkanik ikerinnarsiortunik pisassiissutinit 865 tonsinik, kangiani raajanik 1.350 tonsinik, ammassannik 20.000 tonsinik kiisalu saniatigut pisanik 76 tonsinik EU ikilileriiffigineqarpoq.

7.2 SAVALIMMIUT

Savalimmiormiut Kalaallit Nunaata imartaanni aalisarnerat annikitsuinnaavoq. Kalaallit Nunaata Savalimmiullu akornanni 2019-imut isumaqatigiisummut tapiliusami naapertorlugu angallatit Savalimmiuneersut pisassiissuteqarfiusumi NV-mi allorniusap 68°N avannaani qalerallinnik 100 tonsinik aalisarsinnaapput.

Tamatuma saniatigut Tunumi Savalimmiut 2019-imi qalerallinnik 325 tonsinik, saarullinnik 1.325 tonsinik aamma avataani tinguttuunik 475 tonsinik kiisalu misileraalluni aalisarnermut saattuanik 500 tonsinik pisassinneqarpoq.

Paarlattuanik kalaallit aalisariutaasa Savalimmiut imartaanni 2019-imi saarullernanik (blåhvillinginik) 13.500 tonsinik aalisarsinnaanerat Savalimmiut akueraat. Taakku saniatigut Kalaallit Nunaat ammassassuarnik atlanto-skandiskinik Savalimmiunut pisassiissutaasunit 3.200 tonsinik pissarsissaaq. Annertussutit taakku, tamanna kissaatigineqassappat, Savalimmiut aalisarnermut oqartussaaffigisaani kalaallit aalisarsinnaassavaat Savalimmiunullu tulaallugit.



TAKUSSUTISSIAQ 10: SAVALIMMIUT EQQAANNI KALAALLIT NUNAANNUT PISASSIISSUTIT AAMMA KALAALLIT NUNAATA EQQAANI SAVALIMMIUNUT PISASSIISSUTIT (TONSINNGORLUGIT)

	Kalaallit Nunaat Savalimmiuni	Savalimmiut Kalaallit Nunaanni
Saarullernat	13.500	
Ammassassuit	3.200	
Qalerallit - (Avannaani/Kitaani)		100
Qalerallit (Tunumi)		325
Saarullit (Tunumi)		1.325
Tinguttuut Brosme (Tunumi)		475
Saattuut (Tunumi misileraalluni aalisarneq)		500

Paasissutissiisoq: Isumaqatigiisummut tapiliusaaq 2019: Aalisarnermi apeqqutit pillugit Savalimmiuni Naalakkersuisut aamma Kalaallit Nunaanni Namminersornerullutik Oqartussat akornanni isumaqatigiisummut 27. maj 1997-imeersumut

7:3. NORGE

December 2018-imi Aalisarnermut Piniarnermut Nunalerinermullu Naalakkersuisoqarfik Kalaallit Nunaata aamma Norgep akornanni 2019-imut aalisarneq pillugu isumaqatigiissusiorpoq.

Isumaqatigiissut Kalaallit Nunaata aamma Norgep 1992-imi juunip ulluisa qulingiluaanni aalisarnissamik isumaqatigiisummit tunngaveqarpoq, taamaattumillu taanna 2019-imi Norgep imartaani kalaallit aalisarnissaannut aamma Kalaallit Nunaata imartaani norskit aalisarnissaannut tunngaviuvoq.

2018-imut sanilliullugu Tunumi Norge tupissutinik 25 tonsinik ilassutitut pissarsivoq, 2018-imumullu sanilliullugu Norgep Kalaallit Nunaanni pisassaasa sinneri attatiinnarneqarput.

Norgelu pisassiissutinik paarlaasseqatigiinnermi Kalaallit Nunaat Barentsip Imartaani saarullinnik, kullerini saarulliusaanillu sejnik aalisarsinnaanermut periarfissaqalerpoq. Norgemi artit taakku pillugit Kalaallit Nunaannut annertussusiliinerit 2018-meersut attatiinnarneqarput. Tamatuma saniatigut pisassat katillugit 300 tonsit aalajangiunneqarput. Takussutissaq 11 takuuk

TAKUSSUTISSIAQ 11: KALAALLIT NUNAANNUT NORGEP IMARTAANI AAMMA NORGEMUT KALAALLIT NUNAATA IMARTAANI 2019-IMI PISASSIISSUTIT (TONSINNGORLUGIT)

	Kalaallit Nunaannut Norgep imartaani (tonsingorlugit)	Norgemut Kalaallit Nunaata imartaani (tonsingorlugit)
Kullerit	900	
Sejit	500	
Saniatigut pisat (Norge)	300	
Qalerallit (Kittaa/ Kujataani)		900
Qalerallit (Tunumi)		400
Nataarnat (Kitaani)		-
Nataarnat (Tunumi)		10



Raajat (Tunumi)		-
Suluppaakkat itisoormiut (Tunumi)		1.000
Suluppaakkat ikerinnarsiortut (Tunumi)		-
Tinguttuut Brosme (Tunumi)		340
Tupissutitit (Tunumi)		100
Saniatigut pisat (Tunumi)		150
Saarullit (Tunumi)		1.200 ¹

² Taakkunanga sumiiffinni tamani saarullit 100 tonsit saniatigut pisarineqarsinnaapput.

Paasissutissiisooq: Protokoll fra møte i det norsk-grønlandske kontaktutvalg af 6. december 2018.

7:4 RUSLAND

Kalaallit Nunaat Ruslandimik pisassiissutinik aamma paarlaasseqateqartarpoq. 2019-imi Kalaallit Nunaat Ruslandilu aalisarnissamik isumaqatigiissuteqarput, isumaqatigiissullu kalaallit Ruslandip imartaani aalisarnissaannut aamma russit Kalaallit Nunaata imartaani aalisarnissaannut tunngaviuvoq.

2018-imut sanilliullugu Tunumi russinut suluppaagartassiissutit 2019-imi 150 tonsinik ikileriarput. Russinut qalerallitassiissutit Tunumi, kujammut kitaani aamma avannamut kitaani 2018-suulli annertussusilerlugit attatiinnarneqarput.

Kalaallit Nunaata imartaani pisassiissutinut taakkununga taarsiullugit kalaallit Ruslandip imartaani saarullinnik, kulleritik raajanillu pisassinneqarput. Kalaallit 2019-imi Barentsip Imartaani kulleritik ilassutitut 53 tonsinik tunineqarput, ilisimatuussutsikkullu siunnersuinerit apparitornerat pissutigalugu saarullit 284 tonsinik ikilineqarput. Peqatigisaanik Kalaallit Nunaata Barentsip Imartaani 500 tonsinik raajartassani attatiinnarpai. Raajartassiissutit 2015-imi isumaqatigiissutinut ilanngupput aamma taamanerilli taamatut amerlatiginissaat attatiinnarneqarpoq. Taamatutaaq 2019-imi 10 %-imik saniatigut pisassat attatiinnarneqarput. Takuuk takussutissiaq 12.

Kalaallit Nunaata Ruslandilu isumaqatigiissutaat nunanut marlunnut taakkununga pingaarutilerujussuuvoq, isumaqatigiissummi nunani taakkunani aalisariutini aalisartunut ukioq naallugu suliaasaqartitsinissamut isumannaareqataassamat. Isumaqatigiissummut tapiliusaaq Kalaallit Nunaata aamma Ruslandip 1992-imi marsip ulluisa arfineq-aappaanni aalisarnissamik isumaqatigiissutaannik tunngaveqarpoq.

TAKUSSUTISSIAQ 12: KALAALLIT NUNAANNUT RUSLANDIP IMARTAANI AAMMA RUSLANDIMUT KALAALLIT NUNAATA IMARTAANI 2019-IMI PISASSIISUTIT (TONSINNGORLUGIT)

	Kalaallit Nunaat Ruslandimi	Rusland Kalaallit Nunaanni	
Saarullit	4.166		
Kullerit	603		
Raajat	500		
Saniatigut pisat (Rusland)	Annertunerpaamik 10 %		
Qalerallit (Kitaata Kujataani)		1.225	



Qalerallit - (Avannaani/Kitaani)		550	
Saniatigut pisat (Kitaani)		Annertunerpaamik 10 %	
Qalerallit (Tunumi)		400	
Suluppaakkat (Tunumi)		300	
Saniatigut pisat (Tunumi)		Annertunerpaamik 10 %	

Paasissutissiisoq: Protocol of the 27th Negotiations between the Delegation of the Government of Greenland and the Delegation of the Russian Federation on Fishery Relations for 2019.

7:5 ISLAND

Kalaallit Nunaat aamma Island illuatungimi imartaani aamma Irmingerip imartaani ammassanik aamma suluppaakkanik aalisarsinnaatitaapput. Taamatut pisassiissutinik periarfissaqarneq 'Aftalen om Gensidigt Fiskeri i Islands og Grønlands Fiskerizoner'-mit ("Islandip aamma Kalaallit Nunaata Aalisarfigisartagaanni illugiilluni aalisarsinnaanermut Isumaqatigiissut"-mit) 8. Juli 2013-imeersumit aqunneqarpoq. Ilaatigut killiliiffineqarluni illugiilluni aalisarfigisartakkani nammineq pisassat aalisarsinnaanernut isumaqatigiissuteqarnikkut periarfissiissutigineqarpoq. Kalaallit angallataannut pisassiissutinik pissarsinnaatitaaneq pingaartumik ukiuunerani Islandip imartaani ammassanniarnermut atorneqartarpoq.

7:6 NUNAT MARLUK ILLUGIILLUTIK AAMMA NUNAT ARLALLIT SULEQATIGIINNERAT

Kalaallit Nunaat Atlantikup avannaani aalisarneq pillugu pingaarnertut suleqatigisaminik EU-mik, Norgemik, Ruslandimik, Savalimmiunik, Canadamik aamma Islandimik illugiilluni suleqateqarnera ataatsimut isigalugu naammaginartuuvoq.

Taamaapportaaq nunat arlallit suleqatigiinnerannut atatillugu nunarsuup immikkoortuani aqutsinermut suleqatigiiffiini NAFO-mi, NEAFC-imi aamma NASCO-mi, taakkunanimi Atlantikup avannaani nunat tamalaat imartaani aalisarneq malittarisassaqartinneqarmat.

Nunat marluk illugiillutik kiisalu nunat arlallit ataatsimiittarnerisa saniatigut, 2019-imi Irmingerip Imartaani aamma Norskit imartaani suluppaakkat pillugit kiisalu Tunumi, Islandimi Savalimmiunilu qalerallit pillugit nunat sineriallit arlaleriarlutik ataatsimiipput. Taakku saniatigut avaleraasartuut, ammassussuit blâhvillingillu pillugit Kalaallit Nunaat naalagaaffiit sineriallit ataatsimiinnerini alaatsinaatsutut peqataavoq.


ILANNGUSSAQ 1: AVATAASIORLUNI AALISARNEQ PILLUGU SIUNNERSUINEQ AAMMA TAC 2019

Artit	Sumi	Siunnersuineq	TAC
Raajat	<i>Kitaani</i> - Kalaallit Nunaannut aamma Canadamut siunnersuineq	105.000	105.000
	<i>Tunumi/Islandimi</i>	2.000	4.000
Saarullit	<i>Kitaani</i>	Aalisartoqassanngilaq	5.000
	Tunumi	5.363	20.000
Qalerallit	<i>Ikersuaq Davisimi</i>	(CAN+Kal. Nu.) 36.370	(Kalaallit Nunaat) 8.526
	<i>Avannaata Imaa</i>		(Kalaallit Nunaat) 9.659
	<i>Tunumi</i> - Siunnersuineq Kal. Nu.+Savalimmiut+Island	24.150	9.080
Suluppaakkat akuleriinnik aalisarneq	<i>Tunumi</i> - Avataani nunaviup tunngaviani. Siunnersuineq Kal. Nu.+Savalimmiut+Island	S. mentella 914	(Artit marluusut) 5.274
		S. norvegicus 43.600	
Suluppaakkat	Irmingerip Imartaani	Aalisartoqassanngilaq	1.335
Avaleraasartuut	<i>Tunumi</i> - Atlantikup avannaa tamakkerlugu siunnersuineq	770.350	70.411
Amassassuit	<i>Tunumi</i> - Atlantikup avannaa tamakkerlugu siunnersuineq	588.562	25.000
Amassat	<i>Tunumi</i> - Siunnersuineq Kal. Nu.+Islan	Aalisartoqassanngilaq	0
Saarullernat	<i>Tunumi</i> - Atlantikup avannaa tamakkerlugu siunnersuineq	1,143.629	6192
Tupissutit	<i>Tunumi</i>	Siunnersuisoqanngilaq	1.000
	<i>Kitaani</i>	65	1.000
Nataarnat	<i>Tunumi</i>	Siunnersuisoqanngilaq	1.000
Qeeraq milalik	<i>Kitaani</i>	975	0
Qeeraaraq	<i>Kitaani</i>	Aalisartoqassanngilaq	0



ILANNGUSSAQ 2: Sinerissap qanittuani aalisarneq pillugu siunnersuineq aamma TAC 2019

Artit	Sumi	Siunnersuineq	TAC
Qalerallit	<i>Qeqertarsuup Tunuani</i>	5.120	10.580
	<i>Uummannaq</i>	5.800	9.900
	<i>Upernavik</i>	5.330	9.500
Saattuut¹	<i>Upernavik</i>	Siunnersuisoqanngilaq	400
	<i>Qeqertarsuup Tunuani</i>	400	525
	<i>Sisimiut</i>	300	630
	<i>Maniitsoq</i>	Siunnersuisoqanngilaq	225
	<i>Nuuk-Paamiut</i>	200	1.200
	<i>Narsaq - Qaqortoq</i>	Siunnersuisoqanngilaq	225
Nipisat	<i>Kitaani - Kitaa tamakkerlugu siunnersuineq (1A+1F)</i>	1.300	1.300
	<i>1A</i>		241
	<i>1Ba</i>		261
	<i>1Bb</i>		14
	<i>1C</i>		224
	<i>1D</i>		282
	<i>1E</i>		156
	<i>1F</i>		121
Kapisillit		19,5	19,5
Saarullit	<i>Kitaani</i>	14.500	30.000
Uiluiit	<i>Kitaani</i>	Siunnersuisoqanngilaq	2.520

¹Siunnersuinermi matumani pineqarpoq sinerissap qanittuani saattuarniarneq, TAC-mili pineqarpoq aqutsiveqarfiit tamakkerlugit.